

ШенкIауа Ирина

ХIадгьыл амца алашара



Черкесск
2026

УДК 82-131
ББК 94.4

ШенкIауа Ирина. ХIадгьыл амца алашара. Ауысаква.

Шенкао И. А. Свет костра нашей земли. Стихотворения.
Черкесск: АНО «Алашара», 2026 г. – 92 с.

В первый сборник Ирины Шенкао вошли стихотворения на абазинском языке, написанные на двух диалектах – тапантинском и ашхарском. В них автор размышляет о непреходящих ценностях, на которых должны строиться человеческие взаимоотношения. Большое место в творчестве Ирины Шенкао занимает и природная лирика, через которую она выражает свои чувства к родной земле и к живущим на ней людям.

Издано при финансовой поддержке Министерства цифрового развития, связи и массовых коммуникаций Российской Федерации

ISBN 978-5-6052571-9-6



ISBN 978-5-6052571-9-6



© И. Шенкао
© АНО «Алашара»

Йапхъахауа ахъвы

АгвлахІара амца



АгІалхра

ХІгІаквлын адуней аугІа
АгІалхра хІалапІ хІыззцауа...
ЙгІалхІхитІ мгІвата хІызламгІвайсуа,
ЙгІалхІхитІ хІхъвыцпраква хІашІамсуа!..

МгІва щарда хІымата йыгІбазтІхІва,
ЙхІыму амгІва – закІзаджвыкІпІ.
Щардата хІхъвыцпраква акІвшазтІхІва,
Мурадта йгІалцІуагы – закІыпІ!..

ХІуыс шхІхауа агІалхра хІызгІайхитІ.
Тамамта йухІвушызтын – хІазнайхитІ...
ЙгІалхІхуа – хІхъвыцпраква ралаща,
ХІальта йхІылахІкІуа ачпаща!..

Зынгы ауи агІалхра хІгыгІалцІуам.
Абзира згІалхуа бзира йгъагІвсхуам...
МагІын ду йзлагІалхІхуа йамапІ.
Абзира хІаззырцуш – гвлахІарапІ!..

Гвыла йгІалхІхуазтын – хІаргвышхвитІ,
ХІпсква аргвыргъытІ, тшгІахъыртІуа.
Агви апси йырхІвауа ацырхІвитІ,
Акъыль, йашІамсуа, йпхъадзауа...

ЙщтІанацІитІ аныла... арыла...
ЙаннаргІалитІ, йалнаргитІ,
ЙахІвауа уахъчІва закІыла
УачІвы датшата йгІанахІвитІ!..

Угви упси ѡалу... къару гІаунатитІ,
АдахІвраква зымгІва гІашІнатитІ.
УгІалхра апны ауат аналам...
МгІвата йгІалухуа йгІлашарам!..

АгвлахIара амца

Гвыцкьара йагъу йгъIанымшастI зынги.
Угвы цкъата йхтIызтын – угIалихтI Анчваги,
Йыгъуыгхушым мIава гвыргъара, лашара,
Йыртахыта йрмауа агвлахIара!

АкъыльзаджвыкI – уара уаргIващитI.
АкъыльзаджвыкI – упсы гIанархышвашвитI.
Гвыла учважвауата тшыбжъа,
Упсы уыргвыргъауа тшазыбжъа!

Гвы бзира бзира гIаунарбахитI,
Цкъарата йуыму упсы гIащтIнахитI.
Урыцгвыргъаа аугIа щардата,
Уымцныхчылуата, упсы гIахчата!

Упсы йазразнуш йуызгIайуа гъакIвым,
УгIазырпхушги уакъыль гъакIвым.
ЙуызгIайыз ухъаштылхитI, уатазпшхитI,
Разыра ануыму, упсы гIанахчитI!

Узыргвыргъауа зынги йыгъуыгхум,
ЗакIги угъазпшуам, закыги гъалухуам.
Йтамшвахуа йтапI угвлахIара амца –
АугIа ауи рымдырхуа йшпаца?..

О, Анчва Ду, хIгIазшаз аугIа...
ХIразыпI йгIахIутуала зымгIа...
ЙтлапIу швабыж аразыра хIымазтI,
Улашарара йхIызгIайуа хIылазтI!..

Бгвы баздыргІвы

АчІвыйа бхѡа чкІвынгѡи кІащѡыта бызгІамгІвайсуа,
Былахѡгѡи аквыта, бгвгѡи закІ гІасуа?
БгІашІыхата бызлу бапшых,
БшІахѡа гІазрыхѡващуа йахѡых!...

БбзакІтІ, йкѡабчІвахуа бгвы йту...
ЙызбитІ ауи зымгІва бызлу...
Швабыж буацІа табырпІцІитІ,
Бпсы йабрыхитІ... ЙбхѡватшитІ!...

БгІашІаста бачважва ауи...
ЙгІабнахІвуагѡи бдзыргІвы... Йгѡи
Базхѡвыц бзи-бзи ауаса йшѡаз –
Ббзаѡа закІытагѡи йшамуаз!...

ЙшІахІвата йбыму бпсы гІартІла,
ЙанакІвызлагѡи бгвы гІахѡтІла,
Бхѡвыцпраква лашарата йчпах,
БымгІвагѡи базгвыргѡѡауата бѡах!...

Бзи йбымбузтын бымгІва, бхѡа,
Йгѡбыбушым бара аугІа...
ЙцІабымкІуа, бачвымшвауа
Бгвы гІахѡтІыта йгІахІвала!

Былахѡ брыпшдзара бтахѡызтын,
ЙбасхІвуа шбзиругѡи хѡабцІузтын...
БхІальква псах – зымгІва, зынла,
Бхѡа пшдза щтІыхта бчІвырхѡала!

Анѡа йгІабитыз байгвыргѡѡауа ббзаа,
Гвымхара гІабазхІвуа гІабмырѡважван...
Йджѡбымщан йырхІвауагѡи,
Йыбдырузтынгѡи йшамуагѡи!

Абзира аубымщтын, бгвы йту,
Йбымрыдзын амгIвагъи бызкву...
БшIахъа лашарадзата йцуштI,
Бгвы йту ббзибарагъи гIакIкIуштI!

Былахъгъи датшата йцуштI,
Бзира щарда гIабнарбуштI,
ЙгъIанащтиуашым агIапсара
БгIакIвзыршауа бара блашара!

Заджвгъи, ба бапшта, цхърагIагIв дгIалтахъхуштI,
ДгIабыдзыргIвуазтын – бымгIва гIалбырбуштI.
Саргъи заджвы, ба бапшта, сангIалба...
Йылдыруаз гIаслырдыртI зымгIва!



МгІва лашара

СпхІачкІвын, бгІай арахъ, бдзыргІвы,
Бзита йбасхІвуа баздзыргІвы...
АнцІра ду Анчва йгІабитІ,
Бзира йббушла бгІайырхвитІ!

АугІа рчпашаква щардапІ,
ЙбгвынбкІлыуаш зымгІва бпахъ йщтІапІ...
БпхІвыспахитІ, бхвыцра бгІалцІхитІ,
Бчпашагъи ужвы тшапсахитІ!..

Щарда йджьащахъвата йнабасхІвуаштІ...
Анчва йымхІватІ ба бпны йгІашІасуа!
Йанхвыцу зымгІвагъи апшыпІ,
Йандухауа – датшазакІыпІ!..

АчкІвын хъацІара дазырбжъитІ,
АпхІвыспа пхІвысра пшдза тшазылбжъитІ.
Ауи майратагъи йбымбан,
Ймайругъи амгІва базымцан!

ЙбсыргІуш зымгІва йыгъзынм, йыгъгІваным...
ЙбсырдырпІ ауат, бызбжъапІ агангъи...
ПхІвыс бзи дъагІалагауа – цкъарапІ,
ЗуацІа цкъу – лпсгъи лашарапІ...

Зпсы лашару – лкІалта цкъапІ,
Лтыдзгъи цкъата йалыргапІ,
Лбжъы пшкадзата лшІа йгІатыцІитІ,
Пхара швабыжта йгІахъыцІитІ!

Лгвыбзыгъара зынла йгІалылпшитІ,
Йнамхъахуамцара упсы лзыпшгІитІ...
АхІбара дута хвы азылбитІ,
Абзира лылалкІныс тшазылбжъитІ!

ЙзбалакІ зхІвауа, йцІыруа дыгърылам,
Лажва хъІараква ауырапІ...
АхІбакІ дгІашылырквын – дыгъчІвушым,
Лбжбы йдута йгъІалыргушым!

Хвы лымапІ, унагІва бзи днашылитІ.
Дъанашылыз рбзира лдыритІ...
Лгвы рызхъТыпІ, лпсы рызлашарапІ,
Йлчпауа, йгІалхъыцІуа зымгІва пхарапІ!

ПхІата атгІачва дырзалитІ,
ЛунагІва апшта йадылгалитІ...
Лхъа хвы азылбитІ, дырра лымапІ,
ДгІазрыпшдзауа хІагІата йлылапІ!...

ДгІарныхІвитІ, бзира щарда лзгІайитІ,
Анчва хІдуней дыззгІаквицІаз дазнайитІ.
ЗаманкІгьи цитІ, заманкІгьи йгІайитІ,
Ла длапштагьи пхІа хвыщкІвын длауитІ...
ДазылбжытІ йлылалкІуаш зымгІва –
ДазлырцитІ ллашара мгІва!

Анду лныхІвара

БгІайла сыпшдза, бгІайла сѡри –
Сысаби йгІари саби!
Была чкІвынкѡа кѡайчІѡадзапІ,
Бѡа закІыта йхѡагІадзапІ!

Багѡадзата тшсыкІѡырша –
Анѡа абзира бакѡйыршѡатІ!
БгІазрикѡаз ргѡыргѡѡала бара,
БгІазлыщІыз бткѡвымгѡи бзи йбала!

Бгѡи йгІащтІнахѡатагѡи ббѡаза,
Бзира бшІа йгІатыщІѡа бѡѡаѡѡа!
УнагІѡа бзирала бнашылтІ,
Анасыпгѡи бѡѡнашылтІ!

Гѡыргѡѡари бзибари бѡмазтІ,
Щардѡа аугІа бзикѡа брылазтІ!
БѡѡалакІгѡи – бѡыс ласхатІ,
ЙгІабыдайрыхІѡтІ Анѡа бѡурад!

ЙлашаразтІ бѡмгІѡа мшгІадзагѡи,
ЙгІабыдымсылтІ агѡымхара зынгѡи!
БгІай, са сыпшдза, бгІай, са схѡгІа,
ХІдуней апшдзѡа йалархІа!

АтлапIара

– Уа, мамаду, бара йбымдыруа
ЙыгьгIанымшастI, йгIасахIв зынла
АпхIвыспа тлапIарата йлыму –
ЙабагIалгуа ауат зымгIва?

– Уа, са спхIачкIвын, са йыздыруа
Щардадзата – бара йббатI...
Уа, са схьгIачкIвын, бьанашылуа
Щардата абзираква брынийатI!

БкIалта йгьахьазым йцкьазлуш –
АпхIвыспа лчIахI зымгIва йрапхьапI.
ЙгIвбахауата йтлапIу швабыж –
Бгвы анлашару бхIальква пшдзапI!..

– ЙабагIазгуаш лашара, пшдзара?..
– АугIа бгвы цкьата йанрызхьтIу
ЙбызгIайуагьи зымгIва лашарапI,
Агвымхара гвыхьгIвапI йьату!

ЙтабымцIан зынгьи бгвы пIайра –
АгIатыххра баргвдзахитI...
ЗакIгьи йгьапшым ауацIа апIайра,
АчгIвыча – дзылагьи йцкьахитI!

Йхпахауата, сара схьагIара...
АтлапIара щарда ьану –
ТIахIа бцата бьанашылуа
Бырзал пхIа пшката атгIачва ду!..

АтлапIара щардара йалапI –
БгIабзазумца зымгIва базцуштI...
ЗымгIва йрапхьу – ба бща чкIвын йалапI,
Саргьи сашIамсуа йбсыргIалуштI!

Гѡабидат

Гѡабидат, Гѡабидат... Хъыз пшдзadzата йызбун...
Гѡабидат дгѡасшѡашвушма-хѡа сылакѡа пшгѡун.
Дзачѡв пхѡвыс пшдзайѡа, йачѡвгѡапазѡа лажѡаѡа ауи,
Йачѡвлашарата йлымазѡа, йцкѡазѡа лгѡвгѡи!...

Дангѡаупшуа упсы лыргѡыргѡѡун, йгѡалщѡуазшѡа
улакта,
Упсы лырпхата йгѡащгѡылхуан, йгѡалыркѡкѡушѡа
уынцѡра.
Амгѡа дгѡакѡлыркѡын – амара мгѡаѡйсѡата йгѡбун,
Хъагѡadzата лбжѡы, пшката, йджѡащахѡѡата йгун...

Збжѡы зырѡукѡуз дгѡарѡлабжѡун агѡлачѡа ауи,
Асаѡикѡа анагѡвсѡаз йгѡарѡзшѡылтуан лпѡнгѡи...
Закѡ гѡарѡлтуа йлыргѡыргѡѡун, рхѡаѡа гѡалщѡуан...
Саргѡи санагѡвсѡа дызѡушма-хѡа сылакѡа пшуан.

Аган аурамѡжѡара йгѡалыршыштѡ сара спсы,
Агангѡи йылзыпшгѡатѡ-йлыздзыштѡ сара сгѡы...
Уыжѡгѡандзара санагѡвсѡа дѡабзѡзула спшитѡ –
Лпсы йшаѡыруа сгѡы йтаркѡѡу лпхара хъасцѡитѡ!...

Аугѡа ргѡѡѡа Гѡабидат дгѡарѡтахатѡ хъагѡadzа...
Щарѡагѡѡы рпсы дапѡралтѡ, щарѡагѡѡы ргѡы днаѡзатѡ.
Лтгѡачѡагѡи йрызгѡанхатѡ лара лхѡальѡѡа зымгѡа,
«Быщѡа пшдзѡпѡ, Гѡабидат» – сгѡы йгѡанаглитѡ щарѡа!...

АпхІвыс лпшдзара азаманква

АчІвыта бпшдзайа, бара пхІвыспа!
АчІвыта йпшкайа бара блакта!
ЙгІабанкѡвакѡуа йхІвачвитІ ацІискава,
Уарад бара йанбхІвауа!

АчІвыта бпшдзайа, бара пхІвыс чкІвын!
ЙгІабыщтахьпшитІ зымгІва аугІа...
ЙгІабайгвыргъбитІ адугъи хвыщгъи
Аурам пшдзала банчІвырхъауа!

АчІвыта бпшдзайа, бара, тажвчкІвын!
АчІвыта йхъгІайа бара блакта!
АчІвыта йпхайа бара бнапІычкІвын,
ЙангІабщцуа сара слакта...



Алабжьара

– Заджвгѡи дгѡамгѡващауа йгѡаншума?
Дшгѡадрийыз апшта, цкъата дѡума?
– Йгѡаншитѡ, са сычкѡвын, йгѡаншалитѡ
Йгѡаншуш зымгѡва Анчва йгѡайбитѡ!

– Йгѡагѡващауа датшата дѡума?
Тшгѡайпсахуата зны йгѡаубахъума?
– Йгѡаншалитѡ ауыгѡи, йгѡаншалитѡ...
Йхъахѡымѡѡауа щарда хѡазцитѡ!

– Йшухѡвауала, закѡгѡи гъхѡыздыруам,
Зымгѡва йрызнайуаш Анчва заджв йдыррапѡ.
Заджвгѡи закѡ йаухѡвуата йгъаѡам,
Угѡайылабжьауа угвжважвушта йшаѡам!..

– Момо, са сычкѡвын, тшгѡауымжъан...
Мгѡва гвымха аргван уазымѡан...
Агѡващара ауыс ласдзапѡ...
Агѡалѡѡхра швабыжта йбаргвдзапѡ!

Йдзыргѡвуа угѡайылабжьапѡ пшкадзата,
Дгѡашѡаурыспѡ, йамуаш гѡахѡвата...
Ауаса йагъятагѡи йызбитѡ
Ушвапха, йдуырбауа абзи!..

– Йызгѡѡѡауа гвыргъѡара дзачѡвийѡа?
– Йызму, агвышхвара щарда...
– Агвышхварагѡи зму дзачѡвийѡа?
– Йызму агвыщкъара йынѡѡра!

Щардата зартмакъ йту абзира,
Аугѡа йалимхуа йызбауа...
Ацныхчылра зынгѡи йзымдыруа,
Агвасра згвы йтазымѡѡѡауа!..

– Ауаса йбзазауа дГІаншума?
– ДГІаншун, дГІаншитІ, дГІаншуштІ уыжвгьи –
АугІа угІарылапшта, йгъуымбума –
Йызму гвы цкъара щардагІвхитІ!

– АчІвыйа щта ауи йГІаныщІуа?
– ЙГІаныщІуа – Бзира мгІва щтІахІцІитІ...
ХІгвы, швабыж бзира анГІатыщІуа,
ХІымгІва лашарахауа йцитІ!...

АчІвыйа йамахІкІуашта йхІыму?
ХІдуней хІвапсагІва йыхІзацаппІ –
Гвы хътІыра, гъагъарата йхІыму,
ЙхІызгІайхуа агвлахІара йаппшІ!



Спхызква швабыжта йджьащахъван

Амгѡа ауырата, йтыбгѡата
Спхызква срылата йызбун...
Сызгѡарылымцѡхуа хъарата
Амгѡа ауырала сдырцун!..

Съацауа зымгѡа джъащахъван,
Йызбаквузгъи гъалсмыргузтѡ –
Йщтѡан зджъарала йгѡанхаз ахъва...
Йкъагѡун хѡврапщдзагъи йызбуз!..

Пстхѡа лашцарагъи гѡахъылуан,
Мара нурквагъи гѡакѡкѡун...
Зны-зын амгѡа мачѡкѡ йкѡнылуан,
Зны-зынгъи хъахъыла йцун!..

Йджъасщауа щарда сгѡамгѡвайсуан,
Шыщпраква щардата йзбун...
Зны йгѡаспырагылуа сайсуан,
Зны сгѡащтѡнахуа сгвы сарпссгѡун!..

Зны сазнайуан бзира щарда,
Зны хъара-хъара йнаскѡун...
Зны йгѡахъылуан ажвгѡванд уарба,
Зны хѡвыхѡв шкѡвокѡвата йгѡалбгѡун!..

Сбзазарагъи йшцуз ауи акѡвын
Зны йлашарахун... Йхъващхун...
Спхызква швабыжта йджъащахъван –
Сымгѡа сшалацуз сдырбун!..

Сгѡашѡыхахтѡ йангѡаша съащтѡалыз,
Сдырпхахтѡ амара нур пхаква...
Снауайгвыргъытѡ, сымш шыщ йгѡаталыз,
Спсы бзидздзата уабауа!..

Ауаса ухъвыцуата уымгІвайситІ

ХІанчви хІабачви йанбзаркІву...
ХІрызцалитІ, йыгІбитІ... ЙатаркІвах...
ХІгІагІвхитІ хІтгІачва рпны, хІгІатрысхитІ,
ХІашІамсуа, хІгвжважвауа хІхъа уыс хІхитІ!

ХІсабихъа дутагъи йгъхъараркІвам...
ХІызккквa бзита йгІадырпхаркІвитІ
ЙгІахІыщтахъпшквауа ла хъагІала...
ХІгІахчахитІ ауат рдуала!..

ЙгІадзабзаркІву хІчкІвынхъа хІтаркІвапІ.
ХІгвы закІ гІасуазтын, йатаркІвах...
ХІанчви хІабачви йрызхІрыгІвитІ,
ХІгвыргъуазтын – даргъи хІыргвыргъыитІ!..

Йануымахым... Айыба уйапшхитІ,
Упсы йырзыпшгІауа йацапшхитІ:
Ай, араса йызсымхІвазйа?..
Ай, араса, йызсымчпазйа?..
Бзи йшызбуз зынгъи йгърасымхІвтІ,
СгърымцІгІатІ даргъи ргвква йгІасуа!...

Ауаса ухъвыцуата уымгІвайситІ...
ЙгІабазузла уымпшуата уагІвситІ.
Хъахъыла уылаквa гІащтІухитІ,
АжвгІванд чІыхвла упсы рызщтІухитІ!...

Ушырзыразу зымгІвала йраухІвитІ,
Уанрачважвауа упсы гІапхаркІвитІ.
Швахрат бзихатІ, сани... саби...
Сгвы йтаркІву швпхараквa гІасхІваркІвитІ!...

Абжъагажваквa

Ухъа гIаухчарныс закIыла йбзирапI,
ЙъаубалакI уанымцауа...
УымгIва уызлацуш ауырапI,
Аныла-арыла уамгауа!...

Хвы аназуыму ацIабырг – бзирапI,
ЙшуызгIагуала уанымцIыруа...
АцIабырг йгIаубауагьи бзирапI –
ЙшубалкI йануымхIвауа!...

Заджвгьи уимайсуазтынгьи – йбзирапI,
Псaйсa къвышра уазцауа...
ГIвуджъ ануыргIалхырквын – гIванбзирапI,
Абзира швабыж уазцауа!..

Аган угIващазтынгьи – бзирапI,
УгIашIасхта бзира анучпауа...
АуагIа тшанрылухуа йгъбзирам –
Ухъа дучвата йанубауа!..

Хъардура швабыжта йгъбзирам –
ЙхъгIвапI уа уыхъазла зымгIва...
Анчва йгIалихквауа угърылам –
ГвыхъгIырапI хIпсква гIазхчалауа!..

УцIритIхIва – йгIалухуаш ачIвыйа?..
Йазцуш акъвышрагьи дзачIвыйа?

Ухъа уапшыхта, уажва хIва...
ЙгIауымырхъыччалан аугIа!

Щарда здыруа – мацIпI йхIвауа...
Йдыруа мацIпI, йшгIайбауа!

Йгвжважвауа – апша дарыгІвитІ,
ЙызгІайуа дагІвнагитІта дыгІвитІ!

Зхъа швабыж бзита йызбауа...
ХъазырапІ йзгІайуа... дыззцауа!

Тшумщхын йыхъазла заджвгьи...
Йгъубарым йайчвата мшгьи!

Упсы урылашарауа уымгІвайсла...
АдзыгІв тшанарыцкъауа йгъашІасуам!

ДарыкІумган заджвгьи, уйымхъыччан...
Гвасра гъубарым, упсы тынчхапІ!

Уащтамлын йучвцаз зынгьи...
ЙуызгІайуаштІ йагъу, щардагьи!

Бзи йбала, аугІа, йалумхын...
Ауаса – ргвымхара рызщтІумхын!

ЙгІахътІы, йгІарыцкъа угвы ласылас...
Згвы цкъата йхътІу – Анчва дгІайзыразпІ!

УгІващапІ, убзазузтын, агангьи...
ТшгІаупсахуамца йпшдзахапІ ушангьи!

Гѡашѡыхара

Йстахьыпѡ, йауашызтын, сшвѡѡгѡара –
Йыгѡдырума йхѡчпуш хѡара зымгѡва...
Анчва хѡыззѡаквиѡѡаз хѡдуней ауыс –
Йара ауи йхѡтахьума йхѡчпарныс?

Хѡамайгьдзауа зымгѡва хѡамаман,
Хѡымхьвыцуата йыгѡгун, хѡаѡтан...
Хѡчун, хѡыжвуан, хѡылгѡваква хѡырчуан,
Йхѡыму бзита йкъахѡѡвахуан.

Анчва йгѡахѡитыз Апсабара
Зынги хѡамайгьдзауа апшдзара
Йыгѡблытѡ, йыгѡжытѡ, йхѡкъыщытѡ зымгѡва –
Ачѡвыѡа йхѡызкѡашваз, аугѡа?

Йахѡрычхѡушги зьарайа хѡара хѡадгьыл?
Ачѡвыѡа хвыта йахѡтуаги хѡа хѡпсадгьыл?
Хѡазхьвыцума хѡсабиква йрызгѡаныгѡжьюаш...
Ауат рсабиква йрызгѡаныржьюаш?

Хѡа гьхѡаквымма апшдзара зхчуш?
Хѡа гьхѡакѡвымма абзира зхѡвуш?
Хѡа гьхѡакѡвымма йязызбжьюш йгѡадзынгылуа
Йаѡхьрагѡарныс зымгѡва, йадгылуа?

Йагѡапѡ ужвы, йапхьахауа,
Йгѡанхата йхѡыму хчахауа...
Закѡ пхѡтшуазтын – цкъата йалхѡыргахра...
Закѡ пхѡкъуазтын – гвба-хпата йлахѡѡѡахра!..

Мурадта йхѡымакву хѡырпшыхта,
Бзирата йхѡылакву гѡахьхѡтѡыхта

ЙхІшврыхчах йшхІтлакІуала хІпсабара
ХІызмайгьдзуз адуней апшдзара!

Заджвгьи закІ йымата йыгІбузтын,
ХІымцныхчылуата хІпсква хчахузтын –
ХІгвы цкъата хІйыцгвыргъапІ хІара...
ХІалацапІ лашара мгІва!

ХІыззхъвыцуаш – бзирапІ мшгІадзагьи,
ХІанщІалхуагьи... щымтахъагьи...
ХІызхІвуш – гвыбзыгъара гІахІитуата Анчва,
МгІва лашара йхІзыквцІауа хІтгІачва!

АчІвыйа щта хІыззгІаквицІаз аугІа
Щардата чхІара зму Анчва?
ЙхІрыдзыз хІдырраква хІрыцахныс...
ЗымгІва абзира йазхІырцахныс!...



Йынджыгыду апсыхІва

Щымта мара нурква Йынджыгыду апсыхІва
Пшкадзата йтапхитІ, йгІанащшуа хъагІадза...
ЙаргвыргъбитІ зымгІва, йгІахънатІитІ, йгІанаршыхитІ,
ЙарпхитІ йаргваныта, йарпхитІ хъарадза!

Быжь пшдзата йгІатыщІуа апсыхІва зъарайа?!
АцІисква адзыгІв лас йанкъвакъвуа йхІвачвитІ.
Амара нурква ачІвыта йхъагІайа...
Псы зхъу зымгІва йгвыргъауа ауат тшырызхъыртІитІ.

АпсыхІва дгІаталтІ, лпщырхІа чкІвынква лыма,
Дазгвыргъауа лымгІва апхІвыспа хвыщ пшдза.
ДгІалпшитІ йкъайчІвахуа йбзибара шлызйыму
ЧкІвын пшдзакІ, даргваныта йхвынгылу ахва!

Длымпшуата, уыс йымата дгылазшва тшичпитІ.
Йтшы чкІвын закІ айхІвуа, лара данипшуа...
АпхІвыспа зымгІва гІалгвынгІвуата дгІахъычитІ:
ЙыздыритІ угвы йту, сгвы йгІаснахІвхъатІ зымгІва!

Хъвыжвду лашара

СуайхІвахІвитІ, са скыт пшдза, съарыгІаз...
СуайхІвахІвитІ, сгвы цкъара ъатауцІаз...
Схвыцра хъгІара съазуырцаз,
СымгІва пшдзара ъащтІауцІаз!

Уа Хъвыжвду, са скыт лашара,
СынбжъагІвкви сари хІбзибара,
Йгьыдзуам уыхъазла зынгьи...
ХІуацІа йтапІ – гьынгьи, пхынгьи!

ЙгІахІгвалашвахуа зымгІва пхарапІ.
ХІчкІвынхъа, йхІхъамштлуа, гвлахІарапІ...
ХІдзыгІв пшдза тшкІвабара хІшцалуз...
Архъа цхърагІара хІшдырцуз!

ХІымшыркъвауата хІшацымгІвайсуаз...
Уарадгьи йшхІхІвуз, къвабызгьи хІшасуаз...
ХІапхъартагьи бзи йшыгІбуз,
ЙгІахІгвалашвауа апхын шцуз!

ХІурамква ацІла дуква лата...
АхІврапшдзаква хІпынква йшардата...
Ашвырква зигІвата, йхІфалуз...
Бзидздзата азамангьи шцуз!

ХІанчви хІабачви хІырзыразпІ,
ХІбзазара зымгІва хІазыразпІ,
Пхара хІпсква йъагІатарцІаз,
ХъгІара хІгвква йъагІатахаз!

Уа Хъвыжвду, са скыт лашара!
ЙуызчвызтІ йанакІвызлагьи пшдзара,
Упны йту зымгІва абзира рымазтІ,
ЙгІатыцІуагьи – рпсква урылазтІ!..

Гѡпны

Йачѡвбзидздзайа амш йгѡаталыз,
Йачѡвлашарайа зымгѡа...
Сызшва хѡврапшдзата йгѡаштѡалыз,
Ацѡлаква йгѡаркѡапѡлауа!..

Абыгъ шѡачкѡвынква тшгѡадраутѡ,
Удзышва пшдзата йгѡатнагитѡ...
Йыртахъу абгата йраутѡ –
Мара гѡапхитѡ, квагъи гѡаквитѡ!...

Цѡис чкѡвынта йпсегѡауа зъарайа –
Йгвыргъѡауа, уарад рхѡвауа!..
Хѡдуней гвлахѡарата йхѡызтайа –
Анчва йгѡайшата йхѡйырѡауа!..



Йджьащахъву адзын

ЙымГІвайситІ адзын, йацапшыта
 Ахъшвашвари апхари аццауа...
 Зны амшква хъшвашвата, зны – пхын мшыта,
 Тшырпсахуамца йацтацауа!..
 АцІлаква рбыгъква кІапІлахитІ –
 Зджьарала йГІважъхитІ... ЙГІакъапщхитІ....
 Зджьара ауат апша йГІащТІнахитІ,
 Зджьара – чвартата йщТІанацІитІ!..
 ЗымГІва хІартынчуа адзын мГІвайситІ,
 ГвлахІара щарда хІнарбауа...
 Зны закІ гІагвалашвахуа йГІаситІ
 Апша – зымГІва зырхъвашауа!..
 Зджьарала апстхІваква арыГІвитІ...
 Зджьара йашІамсуа ква гІаквитІ...
 Зны апхынла хІацапшхуа хІыГІвитІ...
 Зны адзын хІадгылхуа хІазцитІ!..
 Адзын хІхъвыцтраща апсахитІ –
 ЙаннарГІалуа йалнаргитІ...
 Зны анашхыйара хІархъшвашвитІ,
 Зны хІгвы уарад пшдза ду ахІвитІ!..

УбзатІ, Апсны!

Агангѡи йхІархІвлун хІара, агангѡи,
Йышпшдзу хІѡабзазуз ахваква...
ТшІаштІнахуан йалу хІѡа агангѡи –
ХІбзибара, хІпсадгѡыл йазѡауа!..

ХІѡабзазуз адгѡыл хѡагІадзата
ХІгѡы йтата хІбзазитІ, хІазѡалитІ...
Агангѡи хІпхызкѡалагѡи пшдзата
ЙхІбжѡу ахва дукѡа хІырхѡыпсегІалитІ...

УбзатІ, Апсны, йзызту хІгѡѡа рбзибара!
ХІнауайхІѡахІѡитІ – убзира уалымгатІ!..
ХІгІазтыѡыз апсабара пшдза агара
ЙхІѡапсагІѡу агѡѡахІара гІахѡахатІ!..



Турыхта йцахыз гІаншаракІ

Дбазун къралькІ апны ахІы,
Щардата йыман чІапцагІвы...
ДџацалакІгьи ауи днардасуан,
ЙгІайшІашвауа хџапахъла йщтІасуан,

Рхџаква гІащтІырымхуа ачІвыла –
Йаргьи дразын ауыла...
Дбазун йхџа дудздзата йщтІихуа,
РыщІа-рыщІа тшауацІихуа!..

ЙшІа йгІатыцІуа йажва гвауан
ДгІакІвзыршуз дшырбузла – дбџагІван...
Швабыжта аугІа йыршвун.
Ауат йара йгІайшазшва йбун!..

ЗныкІ ауаса ахІ дгІамгІвайсуан
Пыль дукІ даквчІвата, дгІардасуан...
Ауадгьиынаква хІвачвун,
Анакџыра абџы гІагун!..

ТшкІаdryшвтІ дгІазбуз аугІа щамхџаша,
Хџапахъла йадпІ ачІвыла гџашва...
ЙпшитІ йчІапцагІвква аныла-арыла,
Йквпшыра швабыжта йхџардурапІ!..

ДџагІанагызгьи рымдыруа,
РымгІва апны заджвы дгІаншатІ.
Ауи щамхџашагьи дымгылуа
АхІ дџанула йпшыра цатІ...

АхІ йгІайхџалтІ: «Ауи, дзачІвыйа,
ЙщтІазымцІауа зхџапахъ ачІвыла,

Щамхъашала са спахъ дымгылуа
Йгъи дгІаспшуа йхътІыта йгІвылакІ?!..»

ЙгІагІвуаз ахІ йчІапщагІвква ахъблыгъатІ,
Йызтрысыз йпны йнамдзадзауа...
Апыльгъи дгІакІагІвзуа дгІаблыгъатІ
АхІ, зхъа дучвата йзбауа!..

АгІвычІвгІвыс анур гІайхъыцІитІ,
Йбжъы дудздзата йгІаддуа...
АхІ, йгІархІаз, йтара дгІатыцІитІ –
«ЙысыргІва» – хІва дгІакІвыруа!..

АугІа, ауи згІаз, рхъаква гІащІырхитІ,
ЙгІаншаз джъащахъвата йрбауа...
РыцІа-рыцІа йбжъы гІадухитІ
АхІ ауаса дызчвшвауа!..

«Уара щарда аугІа йырхътухитІ,
Упахъ йупыру уымбауа!..
Уызцауа уара йудырхитІ...
Ужвы – са сгІайра уачвшвала!..»

Ауи гІайхІван – дъагылыз дыдзхитІ
Хвду квпшыра агІвычІвгІвыс йызмаз...
ПстхІва шкІвокІва хвыц, йгІаншазгъи, йыдзхитІ,
Хъахъыла пшачкІвынла йагаз!..

Гващасрыма

ЙгІалыквпхун амара нурква дгІарщуа
АпхІвыс хвыц, лгвы закІ шгІасуа дгІарбауа...
Лнашхыйара гІалныпщуата дчІвырхъун,
Лхъа пщдзагъи йгІащтІылымхуата дцун.

Лхъвыщраква гъагъата дгІакІвдыршатІ,
Хъахъыла йхъалын йбгъалхтІ, цІахъыла йцахтІ:
– Йа, АллахІ, йгІасахІвта йгІасгвныргІвы,
Санбазхвितхуш йсхауа, йсчпауа сфачІвы?..

Ссабигъи, йгІадзынгылуа, дзласыгІзушйа?..
Быжъсквша днадзатІ, гвы бзирата йсырбушйа?..
Йыла чІыхв чкІвынква гІасайгвыргъауа дгІагІвитІ,
ТшгІасыкІвйыршата дскъвыцІхитІта днагІвгІагІвитІ...

Абар, уахъІва датанайхтІ съанхуз санхъва,
ЙналахвххтІ йгІасыртыз, амыз йгІасынхаз.
Йабоу уыжвгъи йзласпсахуаш йкврышву йайква –
Ссаби йнагІвгІагІвуа, схъгІара, спсы зхъашваз?..

Йаба йгІайынхазгъи, зны дахъымсуа,
ЙналахвитІ, дхІзымхъвыцуата зынгъи...
СгІвамгІакІгъи анбаспсахуаш сгІазтышвтуа?..
ХІгъахвитым закІгъи йаргъи саргъи!..

СанмацІауа, йанылбара салгата,
ДгІащтІчІвитІта дгІагІвитІ, йсмацІауыз дапшуа...
ЙгІалахвитІ дзы къашыкъ дукІ йазнадзата,
ЙгІалалчвитІ йшстахъу йсрыжвпІаз сцца!..

Сджвджвушызтынгъи – йгъаджвджвум ахъва цкъата,
Йгъсызхъум йгІасылтуа асабын хвыц тшыт...
ЙщтІапІ йылхвгІаз са сахчала йылшата –
Йшпасызхъуш мыз дукІ асабын тшыткІ?..

Хѡанхауа зымѡа гѡахѡшитѡ йхѡхыччауа –
Йшпакѡву швшахвитым швара йгѡашвынхауа?..
Йшпараухѡуаш ауат уызлу ушичрынхауа,
Йгѡауыквырышвхуа тшыткѡ уазынхауа?..

Снашылхырквынгѡи бзирата йсзыгѡвнаѡа?..
Лыпхѡчви лари сарыкѡыргауа йгѡвнапѡ:
«Длагапѡ ари, йылаква дзырмбайа
Дангѡайгуаз? Ужвы аган утара утылцапѡ!...»

Сызквгвыгѡауа уыжвгѡи сара ачѡвыйа,
Сашѡамсуа сгврымуа схѡа ыаштѡасѡѡауа?..
Суаѡѡа йту дѡѡакшитѡ, дхѡынхѡуа, ссабигѡи –
Гѡвыджѡ йнасырдзуштѡ сѡѡариква, йгѡасшѡапшуа.

Дапшитѡ апхѡвыс пщдза лымѡѡа дызхвынгылу..
Лпсы гѡалачважвитѡ: «Тщдбымрыфуата бымѡѡвайсх,
Бсаби хвыщ днахвххта, бкыт хѡара ыагылу,
Бѡриква рыдзхѡала, йѡабѡхѡрагѡушла брызцах».

Лгвы йшгѡанагуазла дазхѡвыщхын Гващасрыма,
Ауи амщтахѡгѡи дазпшыхтѡ мызквакѡ..
Лыгѡсабикѡгѡи йлыкѡвыршата йлыма
Уадыргѡвана лѡриква рпныла дѡахтѡ.

Дѡацахыз лбзазара шакѡвшазгѡи датша уысапѡ –
Агвымхари абзири аѡагѡвыситѡ..
Дрызгѡайхтѡ лсабиква раба, йкыт йгѡанхазгѡи,
Пщѡѡы йнадырдзатѡ рсабиква йгѡѡѡвыршазгѡи.

Апхѡвыс данбзауа щардагѡи лчхѡитѡ, йылхѡтыситѡ –
Ажвгѡванд йчѡыхвугѡи йлащѡарахитѡ, ймачвыситѡ..
Анѡва гвыбзыгѡара шгѡалитуала апхѡвыс дымѡѡвайситѡ,
Йгѡалпыралуа зны дайгвыргѡытѡ, зны дагѡвситѡ.

Зны лпсы аргвыргъауа дызлу зымГІва дарыпсегІитІ,
Зны йкъалчІвахуата лгвакъвпракѳа дырхъыситІ...
Зны мара нуркѳа лылахъ гІадырпхитІ,
Зынгѳи дзын хъшѳашѳарата лыладзкѳа кІапІлитІ.

Дшбазуз Гѳащасрыма ауи йапшын...
Заджѳгѳи дгъймайсуазтІ, дгъылмырджъузтІ,
Йлыцынхуз аугІа зымГІва лзацапшын,
Пшдзата лбзазари лынхари налырдзун.

ЙылтлакІѳуаз зны дгъамайгдзатІ заджѳгѳи йыхъаз,
Лкъару йшГІанагуазла дырпыралтІ, ргѳѳа днадзатІ...
Лсабикѳа йлзГІаргуата рсабикѳа йрызлырдухаз
Йырхъамштылхуа лбзибарала йкІѳлыршатІ.

ЙырзыгІанхатІ лгІарикѳа Гѳащасрыма
Бзибарата йгѳи пхарата йдлырбаз...
ДпхІѳыс шѳабыж нагадзата дбзазун Сима –
Анхъыта Гѳащасрыма-хІѳа йызхъаз...

АугІа йанбзазауа дасугѳи йымапІ гѳасра,
Щарда йухътшузтынгѳи, йгІаубзазуш – лахъѳгІахъасрапІ...
ЙгІанхитІ, ауаса, йымдзуа йгІанхауа –
Упсы йахъмаштылхуа, йкІкІауа йгІатахауа!..

Хъвлапынхъа

Анурква амара ѡабгъалыз
ЧвахІвата йгІалпшитІ ажвгІванд чІыхв...
ЙгІахъылыз шкІвокІва пшдзата амыз
ЙгІакІылпшитІ тшызшуз апстхІва срыхв!..
ЙгІаскІытІ апшыхъгІи аргваныта,
Йарыхъуа амара йарпхуз...
ЙгІаубитІ хъахъыла аячІва дуква,
ЙгІаркІылпшуа апстхІваква йнаскІыуз!..
ЙгІатынчхатІ адуней дауышква,
АугІа тшазыркІхитІ ргІвын пхаква...
ЙгІакІкІахитІ амзаквала рхъышвква,
ЙгІаквитІ гвлахІарата аква!..
ЙчвасыситІ згІвынква йрыгІвну андуква,
РларбгІвыгаквагІи гІакІагІвзуа...
Ауат йырхъыччитІ асабиква,
ЙгІарыртхуа йырчвкІагІвзыз зымгІва!..
ЙгІапсаз аугІа зымгІва тшпырцахитІ,
РгІапсараква джъарымщауа...
ЙангІагылуагІи щымтала йахІвитІ
Анчва йшгІаритуаш къару пшдза!
ЙгІаритуагІи зымгІва йазыразпІ –
Йшырбушла йгвыгІитІ ргвква йырту...
ЙтыбгІазтІ, йлашаразтІ йгІи йауыразтІ
РымгІва йгІалырхуа, йызкву!..

Агвым хъацІа

ЙылбгІахуаз амыз тшауацІнахуа
 Акыт йгІарылапшуа йнаскІун...
 Щажьдзата йгылыз, йгвы дгІащтІнахуа,
 АхъацІа адзыгІв атшпы дазцун.
 Агангьи ари амгІва чкІвынла
 Бзи йбуз адзыгІв пшдза – Гвым дазцун...
 Йгвы бзира тата дгІадзынгылуа
 Ймурад лашараква дрызцун!..
 Гвыла, псыла тшауацІихуа
 ДтапшитІ уыжвгьи йкІазкІазуа Гвым...
 ДапшитІ ахІахъквва йапхъанысуа,
 ЙгІащтІнахуа йгІазгуа атолкъвын!..
 Агангьи ахва дъахвынгылу
 Ймурад лашараква дырхьпшуан...
 Агангьи, йуыс пшдзаква, дызпщылу,
 ЙгІарылщІуаш абзираква дрызпшуан.
 ДыцІапІ йыла апхІвыспа хъапщгьи,
 Нур гІалхъыщІуата йгІайбуз...
 ЙтаркІвапІ йгвы дызрыпссгІуз пша хъгьи,
 Лкъвабыз абжыпшдза йанийагІуз.
 Зъара цайа йыгІвуаз асквшква,
 Рылахъква абазмырбаз?..
 Зъара щтІайа ужвыгьи асквшква,
 Анчва йгІаритуашта йгІайхІваз?..
 – Бзира бщардата ббзаза,
 ЙбызхІатІ абзираква бгвы йту... –
 Дхъвыщуан ахъацІа пшдза ауаса,
 ЙымгІва дазыразта, дызкву.
 – Уа Анчва Ду, сшабгу сузыразпІ,
 ЙгІауымрыхъащын сгвы йту...
 Смурадква йсылшауата срылазтІ,
 СуагІа рыхъазла сызщту!...

ДыквгылапI абаза ахъацIа
Ахва, дрызхъвыцуа йуагIахъа...
Йхъвыщраква хъара йатацахтI,
Ймурадква пщдзата йщтIарцIауа!..
ЙгIалпшитI ажвгIванд йпщдзу ашахвгьи,
Йарлашарахауа йкыт...
ЙгIайыситI, йачважвитI апша хъгьи
Уыжвгьи йырзычпа бзира тшыткI!..
ДарыгIвуа, йыщхъвмаруа дгIащтIнахитI:
– СгIаудырхма, узапхъанысуаз пша?..
– УыздырхитI, зымгIвадзугьи здырхитI,
Сгвы йтымцIуа йтаркIвапI, – йхIвитI Мусса!..



Гвымлокт ахІвссаква

Гвымлокт йгІатыцІта, хІкытла йгІайквaz –
 ТахІа йцаз Хъвыжвду апны...
 Ргвква рызхътІыта йъатшкІаралквaz –
 ДгІардахІвтІ, атаца уагІвырлы!..
 Уыс харалагъи йашІамсуа,
 Гвыцкърала йгІакІкІауа...
 ЙбзazitІ, атгІачва ргвы йамсуа,
 ДукІ рбыжъква гІадмыргауа!..
 СшвайхІвахІвитІ, Гвымлокт йгІатыцІквaz,
 ХдзыкІ йгІархъыста тахІа йцаз –
 ШвгІапсараква йшвзалтІ йайшыста,
 Йджъашвымщауата йшвымпхъадзaz!..
 Цридзата ауагІва швъагІвналыз
 Насып дула Анчва йырчвытІ!..
 Швкъарула пшдзата йадыжвгалыз,
 ГвлахІарата йшвызгІахъынхІвытІ!..
 Бзирата, пхарата йгІашвхъыцІуа
 Швапхата зымгІва йырбитІ...
 Таца дгІаргныс йаназхъвыцуа
 Гвымлоктла ачкІвынчва дырпшитІ!..

ЙгIвбахауа ахъвы

ЙхIчвыдзушма хIа хIыбызшэ
апшдзара?..

*СыгIвза хъащ, гвылагы псылагы йсахщахаз, да-
мейгдзоны лымч хIыбызшэ абайара, ацIауылара йа-
лырбара зтахъу, агIвыраква дрегвыргъьо йадызкIы-
ло, йзрышдзо, лбзебарала йакIвзыршо, агвейзхIара
дешIамсаны йауызто Дарымва Аминат Абдул йпхIа
зджъара йанымхоны сылзыразны йылзынасырхотI
ари ажвенралараква рацIутра!..*

ШвашІыхума?

ШвашІыхума?.. Ащхъаруа швашІыхума –
 Щарда йахъысыз, абаза уааква?..
 Адгьыл квечІва йалашваз йащтІышвххума
 УызгІвымсханы йцІауыло абызшэа?..
 ХІыбызшэа... ЙхІдрааз агара хІгараны...
 ЙзлахІпсах закІви, хІариква йдхІымраадзо?..
 Йзырбажваквоз хІрызкы, акІвпІиква йрызнаны...
 ЙабакІахІпса, йызхъвацІахІцІе – тшхІыръазо?..
 ЙхІзапщылахушма йшІхІчІваз, хІызло хІазымхъвыца?..
 ЙатахъынхІвхушма хІажваква йкІапІлаз?..
 Аамта адзылу йанарыхъвашаз,
 ЙхІзадкІылхушма хІаамта хІхънадзас?..
 Йыздырушда ауи?.. ХІа хІпсква йахъыззато...
 ХІымч йшазагола, хІешІамсаны йащтІыххпІ!..
 ХІазыразхапІ йахІадзахуш, хІызхъыздахуш,
 ЙыхІмаухквогы – йазанхахпІ атурых!..

Сыбызшэа

Сыбызшэа, спсы йепшу сыбызшэа,
Агара сгараны, сан лыбызшэа йсылрааз...
Уа уепшны, адуней пшдза ду йшасыквымшва,
СуыцІакъа лашарара йтазцІаз!..
Сан лыбызшэа, агвыцкъара йасылазцІаз,
Йуызсымо са сбзибара сгвы йгъташвам...
Уажва пшдзаквала, йхІылабжьо хІызларааз,
ЙащтІырххрайтІ ауааква, згІвынква уыгІвнам!..
АцІасква щтІырххрайтІ, аамта йырчваладзквaz,
Амч йарызто, рыщатаква йдраух...
ХІандучве хІабадучве хІызпырщылаквоз
ХІыбызшэа ажвапшдзаква йахІраух!..



Уызуада, сычкІвын?

Уызуада, сычкІвын?... Уыщатаква гъвгъвома?..
Апша йнауыса, узрыбагъьо закІви?..
УыцІла амахъвква тшецІырхума, йбагъьома?
Дуыргвыргъьума йауыцІагыло уцри?..
Уызлараазаз, уа уыбызшэа йгъацауымыршвтма?..
УызтІу уа уыжэла урыпщдзума уахъцо?..
Уани уабе рытшкІара йыгъкІауымжъхма?..
ЙкІандзахетІ ацІла, зыщата йшІучІво!..
Йурыхъвашаз ахъазгІваца йащтІалума?..
Йузпсахма шыцны уымч йызлауымцІаз?..
Уымш анлащцаро гвыла йуырлашарума?..
Уазыразума уымгІва, уахънадзаз?..



Ауарба

Ауарбажә дукІ асыс йазкІылпшан,
Йахьафоз аштым ахІвра пшдза...
Йапран, йешІамсаны, йепымшвта,
Ауаса гварта, атып, йхьхІва!..
Зны йазайгвахон... йнаскІахан...
Датша зны – хьаракІла йцон...
АкІы йаргвышхвомца йатайхан...
АкІгы йачвшәомца тшархьарон!..
Уа, уарба, уарба, йазугвале,
Асыс уызкІылпшаны йанхаз?..
Уымч йызымхьуш йазнагвале –
Пшырта щарда зкьанацІаз?!



Абаза пхIвыспа

Абаза пхIвыспа гвыбзыгъара лымопI,
 Гвы хътIыра, гвы цкъара йлашараны йлылопI...
 Чвала тшызрыпшдзакво дгърепшым, дгъхышвашвам,
 Уара тшдумыргIващан ауат рымц алаща!..
 Уанрылапша ахIвссаква гвыла уылзыпша –
 Зылаква цкъара, лашара азтыпша...
 Зхъа дучваны йзбо йалылухуш гыккъам –
 Апхарагъи бзерагъи гылылам, дгъязыккъам!..
 Абаза пхIвыспа абзера алылпшетI,
 Абаза пхIвыспа – пхIвыс бзера алылцIетI...
 ЛчхIара ауыропI, лкъару пшдзагъи йдуупI,
 Уткъвым, дазлугалогъи, йлрыпшдзоны дрылопI!..
 Уейшэа йлыргыло йцкъопI, йбаракъатупI,
 ЙанылралотI йуымо, йузыкъалцIо къуатупI...
 Йышлылшола аунагъва пшдза узадылгалотI,
 Лыкъазща бзеупI, дгвапопI, дадгалопI!..
 Аган йухъылготI абаргвыра шардара,
 Аган йузлыргIвотI, децампшха зджъарала...
 Абаза данауга насып ду йузайа –
 Хвы анылзумбо – йурыдзхетI, йшайа!..



Абаза хѡацѡа

Абаза хѡацѡа хѡацѡара йылопѡ,
Дазлыщѡыз йткъвымгѡи хвы швабыж йазѡымопѡ.
Йхѡвыщра лашаропѡ, йылшакво йщардопѡ,
Йхѡа квнага йылайхѡвотѡ, йчѡыхѡра дазалопѡ!..
Йангѡи дазрийыз хвы швабыж йлызѡымопѡ,
Йабагѡи дѡыквпшаны дѡегвыргѡо дѡымопѡ...
Йхѡа хвы азиботѡ – дазрыпхашуш дгѡалам,
Агвы чвгѡаре, фыгѡваре гѡйылам, дгѡазалам!..
Мурадкваны йѡмо дрызцотѡ, йзадгалотѡ,
Мгѡва хѡгарала йыщтакво – йгѡайгам йзайгва...
Ауаа бзе дарботѡ, йрызхѡтѡупѡ йгвы лашара,
Мгѡва решала дцотѡ, йгѡйыгхам гвлахѡара!..
Йтачва адикѡылотѡ, йрызѡымопѡ ачхѡара,
Йычкѡвынчва йрылицѡотѡ бзера, багѡъара...
Йхѡапщыла хвы лзиботѡ, йазхчо рымца пхара –
Дашѡупѡ йшлымрыдзуш ладзыла, ла лпхара!..



АпхІвыс лылшара

ДайшетІ АллахІ щардара йлылшо,
 Адуней данаквицІоз апхІвыс...
 Лгвымца лашараны йналылпша,
 Йгьыкъам йылзыкьамцІо ауыс!..
 Лгвы йто апхІвыс АллахІ йалитотІ,
 Лкъаругьы лзалахІоны дцотІ...
 Злашарара дамейгдзо йрызто,
 Пша лыцІаны апхІвыс дкъалотІ!..
 ЙлзалахІотІ йылшо ллашара,
 Йгьлыгхам, йалахІотІ лкъару...
 Ауаса, йалызхыз гвлащцара –
 АллахІ уачвихчетІ йылцракІу!..
 Лгвы чвгъара йто лара дазцахетІ –
 ЙылзайхетІ йрылалшо ауа...
 Згвы лащцаро, лара дафахетІ –
 ДзалымцІха, акІгьы лмауа!..
 Къару ду АллахІ йалитотІ,
 Адуней данаквицІо апхІвыс...
 ЙылхІво, йкъалцІо щарда дазхъвыщрайтІ –
 Зарарду мгІва йлылымгарныс!..



ХІхъартшхъвара

ХІдуней пшдза ахІызтаз Анчва Ду йакІвупІ.
ХІпсква йызрыхъараз – хІа хІакІвупІ...
ХІпсы атарала, хІакъыл хІыртлапІотІ –
ХІхъартшхъвара швабыжны йджъащахъвопІ!..
ХІуысква йакІвхІыршозшэа йхІботІ –
ХІакъыл ауаса йанахІвотІ...
ХІпсы йадыретІ хІара шхІакІвым –
Анчва йахІито хІбзера шаквым!..
Ауи йбзерала хІшымГІвайса,
ХІымГІвахъызго хІхъапыхъа йшасха...
ХІпсы, Анчва йайшаз, йапхъопІ,
ХІхъата ауи ацІыхъва йщтІопІ!..
Тшыздыркво, зпсква йащтІызхкво,
ЗымГІва зыррешахны тшащтІызхкво,
ЙгъапсушымхІва уара угъазжъушым,
Ахъа, рапсара йгъкІанагвушым!..
Рпсы йырзахчо, рымч арнатуштІ,
Рхъвыщра лашараква рзащтІнахуштІ...
Анчва йайхчуш ауааква йрыуопІ,
Рбзахара пшдзопІ, рынцІра ауыропІ...
РымГІва йызлацо лашаропІ –
Дунейла йрбо щарда гвлахІаропІ!..

Ащатаква

Зуаахъа рыщатаква зрыдзыз – акІгьи гыйыгърам,
 Апша йайысагьи дайайырныс йгъмейрам...
 ДанарыгІветІ, йхъатахъу даготІ,
 Дызуо йымдырханы дкъалотІ!..
 ДазІуш, дазрыбагъуш йгъйауам,
 Йымч айызтуш дгъанайауам –
 ЙахъІа дакІупІ... УачІвы ддатшопІ,
 УачІващтагьи йзалапсонІ!..
 Йуаахъа рыщатаква йаухындза днагІвагІвлуштІ,
 Йайаухри – анасыпгьи йзайхуштІ...
 Йхъада дазцуштІ, йымч дащтІнахуштІ,
 ЙымгІва лашарагьи дазайхуштІ!..
 Пша йыщІазуштІ, йщапІквагьи гъвгъвазуштІ,
 Йайылпшха йыщатаква пщдзазуштІ...
 Йпсы лашаразуштІ, йпхазуштІ –
 ЙайхъахъыщІквогьи мгІва бзе рыщтІазуштІ!..



ХIадгьыл амца алашара

ХIадгьыл амца алашара
ЙыкьетI йазхчакво ужэандзара...
ЙхIчвыдзыз хIдырраква йзмаркIво,
ЙыкьетI – йхIазхчакво йхIзштIаркIво!..
Йыззырхчо – ауаа, йахьынхIвыхквуш,
Зштата цIауылаква аштIызхквуш...
МгIва лашарала ймгIвайсквуш –
ЙмгIвахьымцIквуш, йрызмыргIващущ!..
Аамта шардадза ахьысхьетI,
ХIызлапщылакво ешысхетI.
ХIхьвыщраквагьи датшахетI –
ХIазымжьюшыз хIанажьетI!..
Ащхъа йбзахакво хIадкIылан,
Анчва йахIылицIакваз хIылан...
ЙхIымо хIдырраква цIауылан,
Ауаа йырчвыдзхьакваз хIырпщылан!..
Швабыж гвасраны йаншетI –
Акьабзаква йгьахIымхчетI...
Йадзынгылакво йгьрылам
ХIара хIыззырбжьакваны йхIыло!..
АпхIвыспа пхIвысра пшдза гьалылпшам,
АчкIвын хъацIара гьайныпшам...
Йзбжьаквушыз хIмгIвахьыргетI –
ХIсабиква хIдырра йгьазхIымгетI!..
ЙрызхIтахьугьи гьаргвынгIвыхам,
ХIыбызшэагьи гьыртахьыхым...
ХIхъа зладухоз, хвы гьазрымам,
Акьабзаква хIызлаз йгьрылам!..
Гвасра дуупI ауи йхIызнайыз,
СшвайхIвахIветI, ауи ззымнайыз –
Акьабзаква зунагIва йгIвнаркIво,
ХIыбызшэа йхъааго... ЙхьбзаркIво!..

Аалхра

ХIаквлан адуней пшдза хъаа...
 Алхра хIалопI ауааква.
 ЙалхIхетI хIымгIва, хIзламгIвайса,
 ЙалхIхетI хIхъвыцпраква хIешIамса.
 МгIва щарда хIымазшэа йхIбазтIхIва,
 ЙхIымо амгIва – йахъазупI.
 Щарданы хIхъвыцпраква акIвшазтIхIва –
 Мурадны йалцIхагьи акIупI!
 ХIуыс хIшашIугьи алхра хIзайхетI,
 Йашаны йухIвушази – хIазнайхетI!..
 ЙалхIха – хIхъвыцпраква релаща,
 ХIалны йхIылахIкIа, хIкъацIаща...
 Зынгьи ауи алхра хIгьалцIам,
 Абзера ззалха – бзера гьйагIвсхам.
 Маана ду йзлалхIха йамопI,
 АцIабырг йахIзырбуш гвлахIаропI!
 Гвыла йалхIхази – хIаныхIвотI,
 ХIпсы лашара ду хъазцо...
 Агви, апси йрхIво йацырхIвотI,
 Акъыл, ешIамса йшпхъадзо –
 ЙщтIанацIотI анела, арела ...
 Йанайауыз алнарготI,
 ЙанахIво йахьтIа акIыла,
 УачIвы датшазсшэа йанахIвотI!..
 Угви упси йахъало, уымч аунатотI,
 АдахIвра щардаква узашIнатетI.
 Уалхра ашIы ауат йналам,
 АмгIва йалуха – гьлашарам!..

АдзыгІв атшпыла

ХІадгъыл пшдзараны йаунато,
Уызлабзахо, йунарыфо шкъуату...
Апсабара упсы шарпхо –
Ан йлепшны йуегвыгІва ушаазо!..
Укъару анмачІхара йупсшартопІ,
Йыгъуаухам йегъаны ацарта...
Упсы йнауыхъотІ – уца, уымгІвайсла,
УнагІвагІвра йныжъны, зны уайшІасла!..
АдзыгІв атшпыла упсы нарыскІа,
Адзы атштшараквала йрыцкъа...
Утапшамаца, уайшІамса адзы –
Йаурапсаз угвы, йыргвыргъа, йхътІы!..
Ухъвыщра лашцараква апша йтнарга,
Амара нурквала тшырпха...
Йаушт, уазрапсо ухъантаква –
УакІвзыршаз ахъващраква!..
Уымгвакъын, аамтагъи ухъарштла,
ЙанбакІву сналгуш-хІва уецампша...
Ацкъара щардадзала уылазтІ –
Йлашарахандза, упсы уапщылазтІ!..



Абзере абзибаре

Абзере абзибаре ацымГвайсетІ.
 Ауаа ихъбзахақво йайшІасетІ...
 Рышәква йрысетІ, йнадзыргІветІ –
 ЙадылцІны йзрайгвақвуш йрызпшетІ!..
 ЙатамГвайсхетІ, йатадзыргІветІ...
 – Ара, акІгьи гыкъам, рымш шыкъаркІво ихъвлетІ.
 Гвыгъара гърымам – йычвотІ рпсқва,
 ЧІвецкІгьи гІвнахымкІва йдрычвахтІ ргІвынмца!..
 Абзере абзибаре йацылан йацакІвшотІ...
 Абзере абзибаре йарыквхъвлотІ, йарыквшотІ...
 ЙаргвыквыГвтІ зны быжъ хвчІыкІ, быжъ цІаракІ –
 Агвыгъара змо, йызхІво ашва пшдзакІ!..
 Абзере абзибаре ауа ашә йнасетІ,
 Абзере абзибаре ихъдрайгваз йайшІасетІ...
 Агвыгъара змаз, йзымрыдзыз згвы –
 Абзере абзибаре йзайгветІ йгІвны!..
 Абзере абзибаре щардопІ адуней...
 ЙуагІвсра утахъымзари – ихІва ашва бзе!..
 Урызпшы... йгьи угвыгъа, йшузайуш уаргьи –
 Уашва йзлаурайгвуш умрыдзын зынгьи!..



ХІдзыгІв апсыхІва

ХІдзыгІв апсыхІва лашара,
Мара нурквала йрпхо...
Щарда уылопІ гвлахІара,
Щарда убетІ – акІ уымхІво!..
МомкІва псейспа йахІаухІвума
Уыла йыцІскваз щарда?..
Йа йухъаштланыс уащтума
Гвасра швабыж дудзда?..
Йынджыгыгду пшдза апсыхІва –
ХІазырпхаз хІхвычІ аамта...
ЙбжамкІва хІгвква акІ азыхІва,
ХІадзынгыло ушы хІтан!..
Уепшын хІзыхІва агара –
Бзера щарда хІуырбетІ...
Удзи упшахы репш хъаара,
Зджъарагы хІгъанымйетІ!..
Уа йгвлахІаро хІдзыгІв псыхІва,
АхвчІква ужэыгы йарпха,
Йадзынгылакво рзыхІва
Уара упхара ахча!..
ХІара йхІепшны, йшхвчІыркІво,
Ргвква убзера тацІа –
ТшадыркІыло, йацыркІа
РымгІва пшдза рызцІацІа!..

Гара ашва

Уычв уара сымара хвчІхъаа
УыщапІ хвчІква псыдырща...
Угара срыщІысетІ са,
ЙгылопІ ухрина мцІыса....

АцхІвара: Амара нурква ташветІ,
Амыз шкІвокІва аупшетІ...
ЙтынчхахтІ йасаз апша...
Ухъвмаргаква щтІопІ, йауызпша...

ЙахъылетІ йкІкІо йачІваква,
Йудырбо апхыз цкъаква...
Ашва узыхІвотІ сара
Гвылагъи суыщупІ уара.

АцхІвара: Амара нурква ташветІ,
Амыз шкІвокІва аупшетІ...
ЙтынчхахтІ йасаз апша...
Ухъвмаргаква йщтІопІ, йауызпша....

СуыщупІ, спсы йепшу, уа уан,
Уасырпхомца, уымшэан...
УадыршыхуштІ уахыщтІо
Амара нурква йапхо....

АцхІвара: Йуыцхъвмара уадырпшуштІ,
Мама уыхъыз йалхІвуштІ...
Уыла хвчІква гвыргъьо уаспшуштІ,
Саргъи сгвыргъьо субуштІ!..

Амара аташваамта

Анурква, амара йахьбасыз,
ЙадрыпшдзетІ ажвгІванд рчІвахІваква...
Йахьылаз йшкІвокІва пшдзаны амыз,
ЙаркІылпшетІ тшызшаз апстхІваква!..

ЙаскІьотІ апшахьгьи, йайгвахо,
Йарыхьа амара йарпхаз...
АйачІваква уботІ йакІкІо,
Йаталпшха ажвгІванд йацкъахаз!..

ЙатынчхетІ асатей быжь дуква,
Ауаа тшазыркІхетІ ргІвын пхаква...
ЙакІкІахетІ рымдзаквала рхьышэква,
ЙаквотІ гвлахІараны аква!..

ЙчвасысетІ ажэтІаква йахьыквтІо,
Рларбагвыгаква йкІагІвза...
Ауат йархьыччотІ ахвчІква, йызцыквтІо,
Йарыртахквогьи хьырчвкІагІвза!..

Йапсакваз ауаа тшпсырщакетІ,
Рапсараквагьи джьарымщо...
Щымта рынхараква йрызцахетІ,
Руысква йалдырго йрызщтІо!..

Йыззыгьи хІйыхІвапІ йхІзапызщылаз,
Ари хІдуней пшдза ду хІахьто –
ЙхІзайхны Амамыр ду хІалазтІ,
Адгьыл – ажвгІвандгьи йаццо!..

УбзатІ, Апсны!

Агарна йахІархІвон – хІанхвчІкваз щарда ахІархІвон,
Йышпщдзаз йхьбзахоз, йыхьтаз хІа хІуааква...
ТшащтІнахан хІща йало, агарна тшащтІнахан –
ХІабадуква р-Псадгьыл, хІбзибара йазцо!..

Аамта йцон, агвасраква щардан,
Апсны азцара – хІымгІва хІаквымшво йкІьасан...
Гвыла хІнапшапшан, хІхабар хІазхІвуш дахІмауа,
ХІанзыцоз Апсны, йхІзымхьоны хІхІауа!..

Абзибара йазхІымо, ауи хІ-Псадгьыл йазцотІ,
ХІабадучваква рыдгьыл – абжы хІзанарготІ...
Уа хІахьыкъо йыгьхІзымхьушма, хІпсып назырхьуш?
ХІанчве хІабачве йхьыцІо – закІви йегъьаны йхІбуш?

Щта йыздырушда хІгква йзырмауа тара?
Йгьи йахІазхІвуш закІвыда – йхІызхьушма чхІара?..
ЙыхІадзушма хІпшахь – ахва дуква йархьысны...
Йа йахІаухушма хІымгІва, Апсны азцахра, ешысны?...

ХІпсы йепшу, Апсны!.. ЙуызтопІ хІгвымч бзибара!
Анчва йхІчвимрыдзтІ хІазтыцІыз агара!
ХІацгвыргъьо хІацызайтІ, агвлахІара хІацалазтІ...
ХІнацымгьи – хІпсы пхара, лашараны уалазтІ!..

Уажэра йайыз

Ей, ахъацIа, уашIыха –
Угвы абзера уазцах ...
УымгвыргIво акI азыхIва,
Ахъващыра щтIацIах.
Уажэра йайыз – уачвымшэан,
Гвыла ушэадз есымшы...
Йанлашцаро ймачвыса –
Йбзены йалцIхетI мшгьи!..
Упсы уызщтамыз йыртынчла,
АмгIва бзера уазца...
УсыздзыргIвы, тшумырбынчлан,
Упсы йаунахIво хъацIа!..
Уазымгвакын йузырхIвуш,
Тшазумрапсан уызщуш...
Йузумрайгван тшаухъызщквуш –
Уызыкв бзе йназгадзуш!..
Уа уанчкIвыныз унагIвагIван –
Уымч алымгушшэа убон,
Йхьутахъула уатагIвхан,
Йхьатахъым уымч ушон!..
Ужэа йузайыз уа уажэра
Упсы ачвырхIо йкбалетI...
УащтыцIх ухъа – уара уыжэла
ЦIлаква щарда лнацIетI!..
Щта йузанхаз амш дуква,
Ужэа уецампшха убзаха...
Уазымхъвыщханы уцIыхъва –
УцIыхъва зраууш уырба!..

Атшын амара акІІлон, адгъыл абыжъва аргон,
АмгІвала, ахвІква йыргвыргъьо,
тшыуандыркІла аджвы та йгон.
Ауандыр ата ацырпІлон, ахвІква ауи егвыргъадзон...
Асаба щтІырха, ата архъвшво,
разкІІыра хІаджвхвІы йаквнацІо.

«Йсызнайыз заКІви – ажәра ауаса йузайума?...
Йацы уымч ду шуылаз, йахтІа уцІанаршвкьвалума?..» –

Дхъвыщан ауаса згвы зрыдзыз ахъаѡа –
Йылахъ аквны, тшизщтѡымхха, дзымшѡадза.

– Ей, ахъаѡа, хѡаща – утарашѡква артѡы!..
Ара йалагылакво уайны уарпшы...
Ауандыр йацырпѡлаз, ата хѡаджвгъи аргахтѡ,
Ата йазукѡызгъи йхъщтѡарѡѡуш йщтѡадырѡѡах!..

Арат ачкѡвынчва гъѡвымам – кыткѡупѡ хѡахъто,
Уыс дукѡ йанкъуѡѡуш йузайуш щардопѡ.
Угвы уымрыдзын зынгъи, ауепшгъи йаншотѡ –
Зны уымчгъи йабасетѡ, зынгъи йхѡаракѡхотѡ!..

Уымгвакъыджбын зынгъи, учмазагѡвыра умрайгван...
Зны – дгъауаурым аджвгъи, зны – Анчва аджв дузайгапѡ!..
Уара уепшны саргъи ахъантара тшазысщхан.
«Йсзымхъаха закѡви?...» – сгвы йанаго тшащтѡысххан!..

Уыбгъа рреша, ухъа щтѡых, агврыдзрагъи ухъарштла,
Агвбзера йащтѡыхх, ахъващыра уетаппша...
Ухъвыщра бзены йырхъвых, алашарара узрайгва...
Агвбзера насып – йумрархѡахын... Йрайгвах!..



Псымца лашара

ПхIвыскI шарда дхъвыцлон, йлымдыра йлызнайыз,
 Йлымо шылзайыз, лхъазыра дшазайыз...
 Дрызхъвыцан ймгIвайсквогьи, лквтIарта данаквтIо –
 Лашарадза рнашхква йалегвыргъьо йагIвскво!..
 Дырпшан ларгьи дгвыргъьо, дешIамса йыльныхIвон,
 Лхъвыцра йылзайкво дырпшыхан уацIыхван:
 «Ари йзакIв дунейи – алашарара дуны,
 Ари йзакIв джъащахъве – сымшгьи йалымго йдуны!..
 ЙызботI йшсхъазугьи, ауаса йгъсыгхам –
 Йсзайа сгвлахIара сгвы пхарагьи гътыцIхам...
 СыгIвны сахънашыло йкIкIо цкъара сылопI,
 Сымгвагьи йазнопI, йсшвысцIогьи сымопI!..
 Сакъыл цIарупI – схъвыцра бзеква йаснатотI,
 СчкIвыхъа сташвазшэа сымчгьи йаснахIвотI...
 ЗынтIала снадзотI йахъстахъугьи ласылас,
 ЗакIвыда дасегвыгIва, ауат сзапызщылаз?..
 ЗакIвыда йсзыкъазцIо йсзайа дешIамса...
 Йабакъо сахъыкъо – сгвгьи аджвгьи дамса?..
 Йасегвыргъьо йсагIвскво, сара сакIвзыршода?
 Са сепшны йаргвыргъьоны бзераква збода?.. –
 Йджьалщо йгьи дгвыргъьо апхIвыс хвчIы дбзахон,
 ГвлахIара джъащахъвакв йцарданы йлбон.
 Зны швабыж ауаса гвлахIара ду дшалаз
 Быжъ ду пшдзакI йалашэадзтI, джъауапшэа йылзайыз!..
 Йхъанагаз лымдыра абжьи пшдза дазыпшайтI,
 Анелагьи арелагьи швабыж децапшайтI...
 ЙаталаахтI: «Бымшэан, сбжьи йаубымшта йбымазтI,
 Абзераква йбзайагьи йбзалахIо брылазтI!..
 Ба бепшны лашараны зпсымцакв йкIкIо –
 Йырзайхагьи бзеропI, сара йадсырбо!..»

АгIвзачва

ГIвыджьа бзахон – агвlachвакI, агIвзачвакI,
ЙырбжьамкIва зынги ажва чвкьакI, ла хьвахьвакI...
Йацны руыс рхон, йацны йымшыркьвон,
Абзере баргвыре йепшны йегIвыршон.
ДарефыгьвтI ауат гвы цкъара зымбаз,
РынбжьагIвра ауат уахь лащцараны йзбаз...
Йайырсныс агIвзачва мурадны йайкIетI,
Дарыщхърауа тшыкьицIо рхыла дасхьетI.
ДгърыдцIхам йахьцарагьи, дрыщупI ауи –
Рхъазы йгъанижьхам ауат есымшгьи...
Аджвы мечIкI днасхъари – ауи дшыкъам йайхIвотI,
Ауи йзаквымшвара ари йаййырботI.
Ауасамца дрыцны азхьамцIара рбжьайцIетI,
Йаргьи дпшвырхьыччо дзакIьакIла днасхьетI...
ТшардырхтI ауа апхъа йагIвзачваз –
ЙаргвынгIвыхтI агIвзачва рхъа-ргвы йазымцаз!..
ЙарбжьайцIаз мца квейчIвара йахьатыцIыз йырщтихтI,
Дара рымца лашара йрымаз йазнихтI.
ЙархчотI, ужэа, агIвзачва рымца йырбжьо –
Аджвгьи дахьдымрыса ацкъара йакIьа!..



Атшыпсахра

Амара нурква абнаштым йтапхон,
Абна Ду йалцІын ашвырква йайззон...
АцІыраква йзбазгьи йапран йапхъаныса,
АмацІаква йзазгьи йагвакъан йатрыса!..

Псы зхьо, абна йыло абнаштым йнархаран,
ЙырхІво абна швырква, йраушны йыргвалан –
Йырдыран йызыгьи, йзаауа йгьи йызбо,
Ашвырква уыс дукІла акІы йшазнаго!..

Апхъапхъа йашәадзтІ алым – рапхъагылагІв,
Хъаданы йрымо, хвы змо хІаракІны:
«Аамта бзедздзагьи йцетІ, сара сшвапхъагыла,
Сымчлагьи йсылшо, хІбзахозшта хІацны!..

Шва швапхъа стагылан, швсыртынча хІа хІыбна,
Ужәа йгъасгвынгІвыхам щарда йаншакво...
ЙызботІ сара сгвыла: хІыжвпІараду абна
ЙалпшетІ бзахара датшакІ тшаснарбо!..

Адгьыл йабгопІ, апша шасазгьи йасетІ,
Амара нурква апхъепшны хІдырпхотІ...
Йаквушгьи ква гхІыгхам, адзыгІв цкъаква йтрысетІ,
Ауаса йгъмачІым апсахраква йзбо!..

Йхъаро бнахвадуква рфыгІвквала йасхъозшәа,
Сбзахозшәа агІвызджъара сгвы йанахІвотІ...
ЙанымшаскІва бзахаща лашара хІзасхъозшәа,
Йджъащахъво шаркІкІара са сгІвылакІ йырботІ!..

ЙстахъупІ сшвызцІарныс: йысхІво йалзыргода,
Йзбода са сепшны, йзаауада быжъква?..
Джъащахъвара шхІзайа са сепшны йхъазцІода?..
Шваргьи сшвыздзыргІветІ, шваргьи акІ ашвхІва!...»

АцIыраква гвыргъьо алым акIвдыршотI:
«ЙашопI йахIаухIво, агарна йахIботI...
ЙакIкIотI хIдуней хIауа, хъышэ шIыцкI тшахънатIа,
Агарна датшазджъара шта хIанарпра!..»

Аквыджьма йашэадзетI: «Йджьащахъваны йзбода,
АцIыраква йуархIво, ауат йанхIвачво?..
АкIы гъасгвынгIвам, хIхъада ду, уа уазжьода?
Йузнайыз зауи – уакъыл йыкъам нахIво?..»

«ЙцIарупI сара сакъыл, йасаухIвушгьи здыран,
Адырраква сымаркIвопI, сымчгьи гъсымрыдзтI...
Схъвыцраква швабыж йлашаропI, цIауылопI,
СымгIва сызтазгьи йзбаркIвотI, сыгътымцIтI!..»

ЙшвхIва, сшвыздзыргIветI шваргьи, йалагыло,
ЗакIвыда йзырхъыха ужэа йаншакво?..
Абага шэадзтI: «ЙухIво цIабыргызапI,
ЙаншозапI тшызпсаха ауат йубакво.

МачIкI хIазшвырпшых, йаншакво йацтацарайтI,
Йаншушгьи аншарайтI, йырбараайтI йызбо...
АамтакIгьи ауасазшэа йагIвса йнаскIарайтI –
ХIапшыпI йакъалуш, хIшвырбзаха хIшбзахо!..»

«ХIшбзахоз хIгъызбзахахушым, Адгъыл тшапсахетI,
АшIыцра хIазнайетI, хIдуней датшахо...
Амшэгьи йшубо ари уыс, акI ахIахIва –
КIарала тшапсахма убзахара уызло?..»

«ЙызботI шIыцра шарда, йсзайкво тшырпсаха,
СашIыхама-сычвума зны йалсмырго...
Ауаса йгъджьащахъвам, сара йсхIво гъджьащахъвам –
Щарда аамта сычвотI, сгIвара сахъбзахо!..»

АмацIаква йахIвотI, йадзаз айззарта:
«ХIаргьи ажва ахIышвтари, йхIымопI йхIхIвуш!..»

ХІешІамса кІара йахьщтІахІцІо ачІвахьрта
ЙыхІмауха йкълотІ, йахІымдырха хІахьцуш!..

УацІыхъван йаншахетІ, аджвы дымшыркъвозшә,
ХІымгІваква йалпшхетІ, йахІауха хІыхьцуш...
ЙахІыцхъвмаретІ, швабыж акІы, йалхІмыргозтІхІва,
ХІаргьи йнахІгадзахетІ, хІхъа уысква йыхІбуш!..»

АмацІаква рцІыхъва алым амат йазцІайтІ:
«ЙхІымдырдзакІва адгьыл тшапсахра хІазайтІ...
Уаргьи акІ ахІва, агвыбзыгъара зымо,
Йшпаубо, тшхІпсахра хІаргьи йатахъума?..

ХІазцушма хІхІазырны ашІыц йахІпшІагылаз?
ХІхІазырхара азыхІва йкъахІцІушгьи закІви?..
ХІайхчо йахІйырбозапІ хІдуней йхІзапызщылаз,
АшІыцраква шхІзайа, тшшыхІпсахуш хІаргьи!..»

Амат ашәадзтІ: «Йшызбо ари уыс...
АкІылагьи йгъахъвушым чва гІваца шІыц...
Чва гІвацала йгъузытацІам ууыцІакъа йтам...
АшІыцра азцара ауаса йгъмерам!..

Мерара йазыпшаауа, ауи гъкъанацІушым –
Йанажьомца ахъа, акІгьи йгъазнадзушым...
Агвы чІвыгъа йалало шІыцра йазцо,
Ашвырра ахІалквашгьи йалцІхуштІ йшызбо!..»

Йхъвландза ешәадзан ашвырква ейззангьи...
УацІыхъван емцІыцІхын рхъа уысква йрызцахтІ...
Йазхъвыцан алым ду ашвырква йырхІвазгьи,
Йшхъвыцаз йчвасысын йгьи ауахъ насхъахтІ!..

Тшынла, йабаркІво, йджьащахъво йазцахан,
Уахъбжала йазхъвыцхан йабакваз алнарго...
Ауаса йбзахомца алым ду тшапсахан,
Агвымца лашарара йалахІо, йкІкІо!..

«ЙхІхІваз, хІызлашѡадзыз ашвырква йарыхъвахпІ, –
Йазхъвыщан алым уахъынла йанщтІо... –
ЙаргвалашвахпІ зны, йырбакво йанаршІыхахпІ», –
Йанакон агвы цкъа, агвыгъара змо!..

Йазасхъон алым амурадква йлашаро,
Йабон йдатшахаз алапшхІваа йцкъадзо...
МгІва шІыцква йырзалппша адырраква йрпщыло,
Ашвапщквагъи ззайквуш йкІкІо, йащтацо!..



Аапын мшы

ЙалцЫз ажвгІванд ашаркІкІара
ЙарлашаретІ адуней....
Апхызква, йалпшхыз апсабара,
ЙанарудзышветІ асатей!..

Амара йащтІнахтІ анурква,
ЙымгІвайсетІ аапын ласдза...
ЙалгопІ архъаква рсатырква,
АцІлаква йачвететІ пшдзадза!..

АцІыраква йемаркІетІ рымгІва,
ЙдырготІ рбыжь дуква цІарадза...
Йапхъаныса хвчІквакІ йацыгІветІ –
Йхъыччо йыгІветІ, хъарадза!..

АжвгІванд апстхІваква ахъылетІ –
Тшадырдухо тшезыркІетІ...
Руыс шырбуш йепш йаднаргылетІ –
Ква гвлахІара адыркветІ!..

ТшащтІызхыз ахІвраква йкІаркІаретІ –
ЙаджвджветІ, йакІвабетІ адзы...
АцІлаква йркІапІлаз йащтІалетІ,
ЙарыгІва хІврапшдза аквадзы!..

Йджьащахъво адзын

ЙыхІзайетІ адзын, йацапшымкІва,
Ахышвашваре апхаре йащтацо...
Йыртахъымызшәа ауат, йацымкІва,
РымгІва йагІвыршо, йзлацо!..
АцІлаква рбыгъьква, йгвлахІаро –
Адзын йаргІважъетІ, йаркъапщетІ...
Зны чварта пшдзаны йащтІало,
Зны апша йаго йхъынхІвет!..
ХІаргвыргъьо йхъапщу адзын йагІвсетІ,
ГвлахІара щарда йахІнарбо...
Зны акІ агвалашваха йасетІ,
Апша йызыгъи йархъвашо!..
Зджьарала апстхІваква арыгІветІ,
Зджьара йашІамса ква йаквотІ...
Зны апхынла хІецапшха хІыгІветІ,
Зны адзын хІадгылаха хІцотІ!..
Адзын хІхъвыцпраква йырхъысетІ,
Йаннарало, йалнарго –
Зны анашхыйара йахІхъыса...
Зны агвбзера ду хІнарбо!..



АпстхІваква

ЙешІамса апстхІваква йымГІвайсетІ,
 ЙемаркІа ажвГІванд хІаракІы.
 Зны йайдыцІа, зны ежвысло
 ЙрзыхымГІво йрбжьо, йацны!..
 Ахьышә йырбжьо пшдзадза йакІылпшетІ –
 АжвГІванд лашара йечІвадза...
 ПстхІвакІ ймхъвараны йнатрысетІ –
 Ахьышә йаннажъырныс йамуа!..
 АпстхІваква йдзсотІ, ймГІвайсетІ –
 ЙыГІветІ, йыГІветІ хъарадза...
 Апша йадыквызцаз йарысетІ:
 «Швуыс йаныжвымжъа йкъашвцІа!..»
 Йхьатахъу ква мачІкІ йабасетІ –
 ЙрзаквотІ, йднарыжва адзы йазпшкво...
 Йхьатахъу – ква дукІ арысетІ,
 Йаджвджво адгьыл аквашуа!..
 ЙымГІвайсрайтІ апстхІваква, йымГІвайсрайтІ,
 Ква дугьы кварайтІ, марагьы кІкІарайтІ...
 Амш йанхъващугьы апшдзара хІбарайтІ –
 Ашва пшдзаква хІгвква йырхІварайтІ!...



ЙзакІвбызшәе!..

Ажва пшдзараны йхІымо хІара закъаре –
ЙзакІвгъи дууи йархъыцІа апхаре цкъаре!..
ЙзакІвбызшәе хІара йхІчвыдза, абаза уааква...
ЙзакІвбагъаре йарнатоз – йхъатгоз ахвакв!..

Гвыла-псыла йаршәадзан – хІажва байара змаз,
Рмурад щарда йарыдзан – ауааква йымгІвхънагаз...
Ныха йаламкІва ймачІын, аджвы йажва найхІвоз,
Йнапа швабыж йарсачІан, зажва зуыс йаквымшвоз!..

ЙанаргвыргъаркІвотІ хІпсква, ажважәква йхІауа,
ЙанаргвыргъаркІвотІ хІгвква, йешІамса йпшаауа...
Хвы йызырбо ахъапщ йецкІыс, хвы йаманы йхІбо,
ХІгвква ащгІызха – хІа хІыбызшәа, хІпсымца зыркІкІо!..

Ахва дуква йартыцІтІ хІызлашәадза бызшәа,
Адгъыл, ажвгІванд йарылцІтІ йхІхІвакво ажвакв...
ЙзакІвцІауыларе йамаркІво, хІпсква йрыланы йцо –
ХІахъатыцІыз хІбзахаркІвозшәа ужәандзара йхІнарбо!..



Апстазара амца

Апстазара ушало агвмачІра узазце?..
 Ауи йанарайгваз, йуызштІо закъаре –
 АхъацІара йуымо апша йтнауырго,
 Мчыла тшуррыцхІо, угвыргІва йауырго!..

Аджвгьи думыргвакъын, ургърамгыло рпсква,
 Зны ажвгІванд йахъыло йахъыцІхетІ апстхІва.
 Агвбзерала йпсахх ухъвыцра щарда хъанта...
 Угвымч йшузанагола упстазара рпках!..

Уара уызхъгвыргІво йгъизымнайма аджвгьи?
 Ажэыра йубо йгъазнамдзетІ агагІвгьи...
 ЙшчкІвыныркІваз адуней йалцІын йцахтІ,
 Йрымбасыз апстазара бзера ду рпсаххтІ!..

Апстазара йуымо – апсопІ йахъадо,
 АцІыхъва йуыргыло узанхуштІ уахъцо.
 Йымцахуш дгъхІылам, хІазцахуштІ ахрат,
 Алашара упсы йто – йанарайгвуштІ джъанат!..

УызчвырхІуш запши ари адуней хъаа –
 Йдуырбе, йзлауырпши уакІвзыршо ауааква?..
 УымгІва лашаразма, угвы йтаукІа цкъазма?
 Згвы уасквaz уапстазара швабыж йщардазма?..

Йузхъахушма аамта, йауито Анчва,
 Агвасра хъштІуцІаз, йазукІыхных ргІвара?..
 ЙахъгуцІаз алащцара лашара туцІахных –
 Апстазара йуымо абзера ду убахных?...

Убжьи йауырдухо ауаа йезумган,
 Йаухъшазгьи йучвпхъарло, ргвы згІва тауымгван.
 Апстазара уышквсква ашэар йаумырган –
 Зпсымца азылпшкво, урызгвыргъьо уырлал!..

Агъвгъвара тшазыкIх, угвымчла тшкIвыршах,
Йлашаро апстазара узалха уазцах.
Алымква йарылцIыз ашәара дгъазцам –
Зынгы йайхъшахъыцIквaz йгвмачIра гъдирбам!..

ЙарылцIыз алымква – абаргвыра узачвшәе?
Йауылахыз гвырква йуызлыха тшзумбжъе?..
Агвасраква йщардо закIви йзджъауцаз –
Уыззайыз апстазара, упсымца зуымбаз?!.



ЦыхъвашчIадара

ЙашIыхетI ащымта макъымква,
Йаталуш ащымта йазпшаз...
ЙахъалотI, йахышвара ртахъымкIва,
Ашахв анурква хIазырпхаз.
Ауаа йашIыхакваз нагIвагIветI,
Дасу дахъцуш тшазнайырхетI.
РсахIатква йрымаквогьи йыгIветI,
Рдакъикъаква йешIамса йпретI...
ЙарпшетI зынгьи йымгвакъа гIвылакI –
ЦыхъвашчIадара-хIва йызпхьо...
«ДатшакIны йалшвымхума швымгIвакI –
Швдакъикъа йыгIвкво швымпхъадзо!...»



Йазнагвале?..

Йазнагвале?.. Йуызкѡашве?.. Уызле?
Ухѡа йанагушны ауи уымгѡахъызге?..
Ацѡаскве кѡабзакве хѡызло уара уырхъыччо –
Апша уызрыхъынхѡа, зны уаунащта, зны утынчхо!..

Нас, хвы йыззумбо абагъѡараква урынйушма?..
Уаари, йауыцѡагыло, абзера дазугушма?..
Уыжѡла уазлыцѡыз ащата узанхушма?..
Уцѡыхъвала йайкво, рымч йарызто рбушма?..

Ауаа йхѡхъаштлаз хѡдырраква хѡрызцушма?..
Йзрыпщдзоз хѡымгѡа йхѡымамкѡа хѡанхушма?..
Хѡазлыцѡыз ащатаква ршѡчѡара хѡазнадзушма?..
Йа агвыбзыгъара хѡыззыбжо хѡанахчушма?!.



Ащхъарауа

Ащхъарауа – ащхъа руа,
Сан дазлыцІыз ауааква...
Ахва дуква рцкъара зыло,
АпстхІва шквокІваква зхъагыло...
Анурква зпсихІваква йтакІкІо,
ЗдзыгІв пшдза хышвашваква йыцкъо...
Зпсадгъыл швабыж хвы азызбо,
ЙрыдамкІвагъи шва швахъызбо...
СшвайхІвахІветІ – абзера швымазтІ!
Йшвымрыдзаны швща цкъара йшвылазтІ!..



ХІвахІвра

ХІейшІамса хІегвыргъапІ хІгвлахІара –
ЙахІызто адуней хІхъаншаз...
ЙашІыхарайтІ хІкІвзыршо хІгъагъара –
ХІызлайыхІво Анчва хІазшаз!..
Уа Анчва Ду, йазхІетІ хІбзибара,
Уара йуызхІымо, хІгвква йырто...
ЙхІчвумрыдзтІ йахІутогъи хІгвлахІара,
ХІымгІва лашара хІзанахчо!..



Абжыагажваквa

Ухъа йаухчарныс акЫла йбзеропІ,
Йхъатахъымла уанымцо...
УымгІва уызлацо ауыропІ –
Анела-арела уанамго!..

Хвы аназуымо ацІабырг – йбзеропІ,
ЙануымхІво ауи укъауа...
АцІабырг йшузыбо йара бзеропІ –
Йызтахъквам йанрауымхІво ауаа!..

Аджвгьи уимейсазагьи – йбзеропІ,
Агвыбзыгъара узахчо...
ГІвыджъ йануралахри – гІванбзеропІ,
Абзера щарда уазнадзо!..

Агарна угІващазагьи бзеропІ,
УайшІасхны бзераква нкъуцІо...
Ауаа тшанрылуха – йгъбзерам,
Ухъа йщтІуха, дучваны йубо!..

Хъардура швабыжны йгъбзерам –
ЙуызхъгІвопІ абзераква уызщто...
Анчва йарылихкво угърылам –
Апсква гвыхътІыропІ йазхчало!..

Агвасра йалхны – уылахъ йеквумцІан...
Агвасра йалцІны – уыщта йелумган...
Йаурыса угвы акЫлагьи йгъауыхъвам,
Йалуырдо упсы абзераква йгъарыхъам!..

Йызло лашарара – йучвпхъарлотІ,
Ахъантара йанарайгвотІ...
ЙуыргІвуш йыргІва – тшарылас тшумщха,
АалцІхра баргвыраква тшырзумщха!..

Аджъащара уцІанаршвкІвалотІ,
Ахъващыра йаукІынхалотІ.
Йурыдза аамта – упсы йарыхъва,
Анчва ушаалигушла уйыхІва!..

УзрычмазагІвквуш йазугвале?
Узтахъым йфІераква йзугвале?..
Мчыла, нас – закІви тшыззуцха?
ЙуагІвсрайтІ агвасраква, йаштІумхха!

УкъауетІхІва йалухуш закІви –
Йазцуш акъвыщрагъи дзакІви?..

Ухъа уапшыхны уажва хІва –
Йумырхъыгчалан ауаа!..

Щарда здыра, мечІупІ йхІво –
Йдырра мечІупІ, йшайбо!..

ДейшІамса йгвакъа апша дарыгІветІ –
Йизайа, дагІвнагоны дыгІветІ !..

Зхъа дуны, бзечваны йызбо,
ХъазыропІ йалиха – дыззцо!..

Тшумщхын аджвы йшІгьи, зынги –
Йгьубарым йейчво уарги!..

Упсы уырлашарахо умгІвайсла...
АдзыгІв тшнарыцкьо – йгьайшІасам!..

ДарыкІбумган аджвгьи – уимхьыччан...
Гвасра гьубарым, упсы тынчхапІ!..

Уаштамлан йучвцаз зынги –
ЙузайуштІ йегььо щардагьи!..

Бзе йбала ауаа – йелумхын...
Ахъа, рычвкъара рызштІумхын!..

ЙахътІы, тшаррыцкья угвы ласылас –
Згвы цкъара то – Анчва дайрыразтІ!..

УагІващапІ, уанбзахо, аганги...
ЙурбзехапІ, тшаупсахамаца, ушанги!..

Амш анхъващү

Амш анхъващү йбаргвхотІ угвы ащтІыхра...
ЙаугвыквлотІ хъвыцра щарда хъантаква...
ЙауыхъетІ йгъяхквас, уымшква йцаз рхвырта,
ЙахъалотІ угІващараква йрыцу аладз ква....

ЙузайхетІ ахъващыраква йнаудасквас,
Аамта йухънахызшәа йубаз...
ЙуадзамкІва згвы уасквас йа угвы йасквас,
Йуылымшоны уайхъдзара йнасхъаз...

Йыздырушда ауат уара йзаугвыквло –
Уатапшхра атахъума угвы йтуцІаз,
Амш йхъващү уайшІанарсны унархъвыцло –
ЙузкІамжъкво йззыгъи, ужәандзара йзаугаз?..

Амш анлашаро аеш йепш унагІвагІвлотІ,
Ахъа рахІа-рахІа ущапІква аланапсо...
Йуыцу, ахъантара уцІанаршвкІвалотІ –
Ухъвыцраква уызло уанырщахІо!..

ЙуыргІвуш – йыргІва, агвасраква уырхъысны...
Йныжъх ахъвшвара, уназыбжам йаквуцІо...
Ухъвыцраква йызрыхъващүш уырхъымсхын –
Йаныжъ ласыра ауызто, уазырпхо!..

ТаачвакI ашIы

ТаачвакI ашIы аджвы – дпшка сысупI,
Датша аджвы дджьма хвчIызшэа дцотI...
Ауи йшкьало Анчва йуысупI –
Йацадзнийыргыло йырбзахотI!..

РымгIваква йгьапшым, йзламгIвайса,
Ани – апшкарала йхьигIвотI...
Ари йайбо акIгьи дгьагIвсам,
ДшалцIха акIы – датшакI дазцотI!..

Аджв дгьгвакьам, мечIкIгьи длалопI,
ЙгIвыджьахо дбла амца йфотI...
Абаргвыраква ари дырпшIалотI,
Ани дырзымпшауа дбзахотI!..

Ауаса йшыкьогьи йгьаргIвацам –
Анчва йаританы йырго...
Ани днапсо, ари дгькIвасам,
Ацри йхьаара йацнацIо!..

Йрапхьо йзыгьи рщаква йрылетI,
Рейбабара йагIвнамго...
ЙепшымкIва рхIалква йадзынгылетI,
ЙепшупI ргвква байараны йто!..

ЙылщардазтІ лымч

Амца лфо йлхалотІ апхІвыс луыс –
ЙылщардазтІ лымч лапстазара йылбуш!..
ЙлымазтІ агвлахІара дугъи амца...
Йлашарахо йкІкІарайтІ лпсы йешІамса!..

Лгвы йаслуш, дщачвзырхъыслуш йалхъумрыдзан...
Лымчква лымумхын, ллашара лчвумрыдзын!..
Лыладзква йнайа – гвыргъяладзны йлзайрайтІ...
ДжъагІвагІвква йлымази – агвбзерала дрейайрайтІ!..



АхІвыхІв шкІвокІвакwa йыргІвызо

ЙзакІв щарде адгъыл хышвашва йыцІо –
Занчва ргвмачІракwa йырпщыло, йгвауадзо...
Йщардазагъи, ймачІзагъи йахъыцІкво
Йазырквоз йешамсаны йладз кво?...

Рхъакwa йырмейгдзоны йхІдырума йзщІарцІаз –
ЙамехІвапсо рапстазара йаныржъыз?..
ХІазхъвыцума Мамыр ду – хІа хІызлаз,
АнцІра йхІбушызма, агъа йпшІамгыло йыгІвзи?...

АхІвыхІв шкІвокІвакwa йыргІвызоІ рпскwa йырхъыцІкwaз...
ЙабасквозаІ ауат репш хІырбарныс –
ЙгъхІхъамштлахма шквсы щардакwa йызхъыцІкwaз?..
ЙхІылшушма йархчаз хІаргъи йхІхчарныс?..



ЙахІпшетІ рсураткѡа

Айсра йаладзкѡаз йгърызхъушым асатыркѡа...
Йшпануѡуш йыззыгъи, йрхътшаз ауаа?
ЙахІпшетІ рсураткѡа йыкъахкѡам афыркѡа,
ЙахІызѡауазшѡа: «Швшпабзахо шѡара?...»

ЙхІылшоз агаджвыкІгъи хІара хІгъамейгдзетІ,
Ажѡыра чкІвынра йаѡадгъыла айсра йпшѡІан...
ДахІылымѡІаны тшызчІѡахуш, тшызрейджѡа,
ХІхъатыѡІыз хІадгъыл хІхчо хІагъа дхІхан!..

ХІгѡѡа йгътымѡІтІ зынгъи хІаздасыз хІѡрикѡа,
ХІанчѡа рылакѡа рнашхыйара йартпшаз...
ЙырчѡІачІѡоз рыладзкѡа, йхІдырѡара ртахъымкІѡа –
ЙхІѡаркІѡон айсра ауатыкѡ хІанпшѡІаз.

Швшпабзахо, йшвымума бѡиѡара?
Йшѡзахчума шѡѡамырра йахчахаз?..
Йынджыгъду псыхІѡа йтаркІѡума гѡлахІара,
Шѡазгѡыргъѡума шѡѡпстаѡара йыжѡѡаз?..

ЙгъымпситІ, йанхетІ ауа, хІаргъи хІѡѡиѡара –
АпсыхІѡакѡе акыткѡе йанарпхо...
ХІаргъи шѡаргъи хІазтыѡІыз йѡѡазтІ аѡара –
Апстаѡара гѡлахІара йашѡнарѡо!..»

Абазашта

Абазашта, спсы йало, йсгвало,
 ЙсзыхІвушма йузыстахъу сара?..
 Абазашта, уымш йлашаро,
 ЙуымазТІ ймлашцарахо ура!
 Абазашта, адгьыл хІхьадзынгылаквaz,
 УахІегвыгІва, абзераква хьхІуырбаз...
 АгІвзачва хІхьазубжъаз ацІагылара,
 Гвычвкъара йхІымдыраны хІхьуазаз...
 Абазашта, гараны йхІзыкъалаз,
 Йарбасны ахва дуква, хІпшахъ хьадзаз...
 Архъакве апсыхІвакве хІыхъхъылапсаз,
 ХІымгІваква йапщылакво хІхьрызцаз...
 Адуней абзера йыкву узыстахъупІ,
 ЙучвымдзрайТІ агвлахІара йхІуырбаз!
 МгІва лашара йзалацаквaz рыцтаква
 Йырчвумрыдзын хІцІыхъва йаншаквaz!..
 АмгІваква йхІзалугаквaz рыцкъала,
 ЙдумыргвычІан амгІваква зчІвахквуш...
 ЙалацарайТІ йаламгІвайсуш ргвыщкъала,
 Абаза уааква бзе йабазырбуш!..
 Гвыргъарала швабыж йацІагыларайТІ,
 Рымч йамейгдзарайТІ, йнацацхърауш шарда,
 Ргвквалагъи рпсквалагъи йцкъазарайТІ,
 Рыхъыдз бзе йдыргарайТІ, хъарадза!..

Айхьдзара

Йызыгьи айхьдзара йыргвалопI,
ХIдуней хIахьыкву ауааква...
Насыпгьи айхьдзара йапщылопI,
Йшырбола, щардагIвы рхьаква.

ЗакIвыда айхьдзара гIваца йартхаджыыз?
ЗакIви йарнатаз ргвква, рпсква?
ЙзланарбагIваз, йзланарбайаз,
Ардура акIвымкIва рхьата?..

Алшараква цIыхьва гьрымам,
Угвы лашара ду анто –
Аджвгьи дгьаужьам, аджвгьи дгьургврымам,
Ууысква бзены йащтацо.

Уайхьдзара щарда йгьузнайам,
Йназутахьу ухьата гIваца...
Упсы гьаргвыргььам, угьанарбагIвам,
ЙанрзыхьумтIа угви упси ауаа...

Ай, айхьдзара, йжьахаз щардома,
ЙушIпсауа йымгIвхьнагакваз?
Ужэыгьи рымгIваква хьарома,
Йумаану йазгвынымгIвквaz?..

Уа, айхьдзара, йузайкво гьвгьвома,
Уара уызпщыло йазгвынгIвыз?
Йлашаро рылшараква пщдзона –
Узыцланыс Анчва йайгIвыз?..

АгвейзхІара

Йузайма кІаразын агвейзхІара уара,
Ауи йаныцІа шІала йанузымхІво –
Агвбзера ду йануыдымцІха хъара,
Ашва пшдза угвгьи упсгьи йнацырхІво...

Упсы йазырпхо, йаштІызха хІаракІдза,
Зынгьи йуымбасыз агвлахІараква йаухьыса,
Угвы йахьызтІа, йецІызха хъарадза,
Зынгьи йумаасыз амакъым пшдзаква уырбжьыса...

АжвгІвандгьи йаунахІво алуырго,
Адгьылгьи йауашәадза йкъало...
ТшузахьыртІа, йауегвыргъьо псы зхьо,
ЙаугвынгІва йыззыгьи йрхІво... йрымхІво...

УакІвзыршо угъагъара апсабара,
ЙузаланархІо йуымо уара упхара...
УазцІаараква угвы йто рджъауапква узаайа,
Йлашаро ухъвыцра... ЙхІаракІу – йацайа....

Угвы тшахьызтІыз йарыпшдзо ууысква рхара,
Упсы йауыркІкІаз, йаунато агвлахІара...
Уапстазара лашара ду йахьыцІа,
Уазрыхъвацквуш йауыдымсло, йаухьымса?..

АгвейзхІара ауепшупІ йшузайа,
Улашараре угвы хътІыре йанырзайа...
АуецкІыс насып дуны йутахьи –
Йарквнирго ХІазшаз угви упси?!.

УыгІвщапІыкІ шІазхІваз

УыгІвщапІыкІ шІазхІваз нуымдыра,
Уазхъвыщ уаныгІваз уымч хъагаз...
Уызлаз насыпны хъала-гвыла
ЙахътІа уаннажъны йызнахъаз!..

ГвыргІва йануымамыз йузайквоз
ЙабакІву ужэа тшахънадырхаз?
Йацы уызмегвыргъюз, йумрайгвоз
ЙахътІа закІви упсы зайырпхаз?..

УанчкІвыныз уыгІвза бзеква йуымаз
Йабауга уымгІва йанлугоз?
ЗакІви йузымхъаха уызпщылаз
Ауат уырзымцо йанкъалоз?..

Йубоз йаухъымдзозшэа зджъакІ рымгІва
ЗакІви ауаса йызпщдзахаз?
Уазжъоз йкІаркІаразшэа уа уымгІва
Йабау абзера йаунарбаз?..

Абзера йуылшакво анщІухаз
Уара йаузыкъарцІо йуымбо...
Аджвы йкъайцІо ачва нахъухаз,
Уазымхъвыца йгвы йтуцІо...

Угвы аджв днаса йанджъущоз,
Уазымгвакъа аргІвара...
Уахъ лашцараны йнубоз,
Уара йугвампахо ахІвара...

АцІабырг улымхІаква йыртамло,
Уагъа йбзера йанууымрауаз...
ДнаузымдзыргІва аджвы йаухъало,
Ауаа йучвпхъарло йанкъалаз...

Урызхъвыц, уымгвакъа, йуымо ухІалква,
Йшурыхъараз уызлаз ауаа...
Уазхъвыц щарда, уазхъвыц йатаркІвах –
АмгІва йалухыз шамуа!..

Йлашаро ууысква йщаквдыргылетІ,
Дунейла бзераны йубаз...
ГвынахІны йазукІыз йырпщылопІ –
Хъантаракваны уызщахІаз!..



Анчва Ду уыгвнахІква аныыргІво...

Йшпаубо анасып ду ззырхІво...
ЙшпаугвынгІва ауи ура –
Агвасраква ура йнаухьымдзо
ЙануыкІвшо, йуагІвсаны хъара?..

Уымш анлашаро йузаталаз,
Йамрыхъващха аладз быжъква...
Убзибаре угвыргъьаре йацылаз,
Йузылырго лашара мгІва?..

Агвыдзра уауызщтыз йнаухьымсха,
Агвбзера ущтІнаханы унаго...
УгІвылакІ швабыж йцІарахазшәа,
Йузымбаковоз йанаудырбо?..

Ухъвыцраква ушабгоо, уанщтІырха,
Ахъантараква нуымбо...
Угви упси йауархІвакво йнащтІырха,
Адгбыл, ажвгІванд йнацубо?..

Агвбзера уымч пщдза ду йнаунато,
Упсы йаргвыргъьо йнанарпра...
Уакбыл йаунахІво унанамжъаха,
Йнаухьымдзо ужәанахъыс гвыргІва?..

Ауаса йыкъязи – насыпла ухърысупІ,
АцІыхъвашІчІвадара узымрыдзуш упсы йазцо...
ЙутІымшәа йагІвушоз, ура уахъымса,
ЙапуцылахтІ, угвы чІвыгъьа йтуцІо!..

Агвыргъьара йауаутІ, йапщыло удырра,
Йаталаз амш унасып ду йаунарбо...
ЙгвлахІаропІ уымшква, упхызква цкъопІ уахъынла –
Анчва Ду уыгвнахІква аныыргІво!..

ЙгъхІзымрыпшдзушма

ХІабадуква рабадуква рыщатаквa хІрыдзушма?
ЙгъхІзымрыпшдзушма хІайайрала хІбаракъ?..
Хвы зыхІымтогъи хІыбызшэа йхІчвыдзушма,
ЙхІызнай закІви – мгІва залхІымхыз датшакІ?..

ШквсышэкІ йейсыз алым дуква хІгъарылымцІма,
АхъацІара уызгІвымсханы йызлаз?..
Рылаквa йырзытапшуш йахІылцІхума,
ЙхІымахума хІкъабзаквa... ацІас?..

Афырквa йрфыру йззайсаз йгъахъазым рхъа,
Ахъшараквa йырзархчон ахваквa!
Йызпщылаз радгьыл ргвквалагъи рпсквалагъи
Йырзархчушны йгвыгъон ртынхаквa...

Аамта адзылу йанарыхъвашаз,
ХІхъыланaпсетІ абаза уааквa...
ХІща йаларкІво, хІызхъырбоны хІыззырхъватшаз,
ЙхІшвымрыдзын ужэа, алымквa ртынхаквa!..

ХІахъыкъазагъи хІымчла хІацІагыларайтІ,
ХІахъцарагъи – йхІымрайгветІ хІзырпхашуш...
ХІабадуква рабадуква хІгвквa йтазарайтІ,
ХІыщатаквa хІхъамштло, хІзырбагъбуш!..

ЙхІчвыдзушма хІа хІыбызшәа апшдзара?..

ЙхІчвыдзушма хІа хІыбызшәа апшдзара –
ХІща йаланы ужәандзара хІзырбахо?..
ХІаналашәадза йхІызто агвлахІара,
ХІабазара йанахчоны хІазго?..

ХІГІвынка йарыпшдзоны хІзыргвыргъьо,
ЦІауылараны йамадзо хІнарбо...
Акъабзакве ацІаскве йрышу, йрыГІвзо,
Лашарара ду йхІзалху хІазнаго?..

ХІабгаркІвума – хІГІаламдзма асаба,
Аамта йарыдзха йархъвашаз?..
ХІыщатаква йбзаркІвума, йыгъвгъвома –
ЙхІызпшыркІвума йащтІызххушны йанхаз?..

ТшащтІыхІхума агвыгъара зымрыдзкваз,
АгвейзхІарагъи йаухІымшта йбзахо,
ХІГІвымцаквагъи хІрегвыгІва йзымрычваз –
Абазара, хІща йаларкІво хІарпхо?!..



ШвашІыхума

ШвашІыхума, ащхъа руа, швашІыхума –
ХІычкІвынчва харзынаква йаншаз?
ТшацтІышвхума, айайраква тшрызцтІышвхума –
АхъацІарале пшдзарале йкІвыршаз?..

ХІызрычваквaz хІашІыхахны хІгърмейайушма –
ХІаракІыра йамо хІымч дхІырбо?..
ХІымш зрыхъвацквоз йхІыргвыргъоны йхІзайушма –
ЙхІрыдзны ацІагылара йнырбо?..

Йызыгы хІаднаргылетІ ачІвагъвара –
ХІейайра ду йа адзхра хІаназай...
ХІылшараква шхІаухуш йепш йлашаро –
АгвщтІыхрагы агвбзерагы хІзацайтІ!..



АХЪАКВА

Йапхъахауа ахъвы. АгвлахIара амца

АгIалхра	4
АгвлахIара амца	5
Бгвы баздыргIвы	6
МгIва лашара	8
Анду лныхIвара	10
АтлапIара	11
ГIабидат	12
АпхIвыс лпшдзара азаманква	13
Алабжьара	14
Спхызква швабыжта йджъащахъван	16
Ауаса ухъвыцуата уымгIвайситI	17
Абжьагажваква	18
ГIашIыхара	20
Йынджыгыгду апсыхIва	22
Хъвыжвду лашара	23
ГIапны	24
Йджъащахъву адзын	25
УбзатI, Апсны!	26
Турыхта йцахыз гIаншаракI	27
Гващасрыма	29
Хъвлапынхъа	32
Агвым хъацIа	33
Гвымлокт ахIвссаква	35

ЙгIвбахауа ахъвы. ЙхIчвыдзушма хIа хIыбызшэа апшдзара?..

ШвашIыхума?	37
Сыбызшэа	38
Уызуада, сычкIвын?	39
Ауарба	40
Абаза пхIвысна	41
Абаза хъацIа	42
АпхIвыс лылшара	43
ХIхъартшахъвара	44
Ащатаква	45

ХІадгъыл амца алашара	46
Аалхра	47
АдзыгІв атшпыла	48
Абзере абзибаре... ..	49
ХІдзыгІв апсыхІва	50
Гара ашва	51
Амара аташваамта	52
УбзатІ, Апсны!	53
Уажәра йайыз	54
Агвбзера	55
Псымца лашара	57
АгІвзачва	58
Атшыпсахра	59
Аапын мшы	63
Йджъащахъво адзын	64
АпстхІваква	65
ЙзакІв бызшәе!.. ..	66
Апстазара	67
ЦІыхъвашІчІвадара	69
Йазнагвале?.. ..	70
Ащхъарауа	71
ХІвахІвра	72
Абжъагажваква	73
Амш анхъвашу	76
ТаачвакІ ашІы	77
ЙылщардазтІ лымч	78
АхІвыхІв шкІвокІваква йыргІвызо	79
ЙахІпшетІ рсуратква	80
Абазашта	81
Айхъдзара	82
АгвейзхІара	83
УыгІвщапІыкІ шІазхІваз	84
Анчва Ду угвынахІква йанийыргІво... ..	86
ЙгхІзымрыпщдзушма	87
ЙхІчвыдзушма хІа хІыбызшәа апщдзара?.. ..	88
ШвашІыхума?	89

Шенкао Ирина Адильгериевна

Свет костра нашей земли

Стихотворения
На абазинском языке

Компьютерная верстка – Г.К. Чекалов

Формат 60х84/16
Бумага офсетная
Гарнитура Times New Roman
Усл. п. л. – 5,35
Заказ № 180
Тираж 500 экз.

Отпечатано
ООО «Криптос»
344003, г. Ростов-на-Дону, пр. Ворошиловский, 87/65,
офис 602А1
Тел.: 8-906-182-29-29